

湖廣通志

湖

舟

遊

記

黃州府文類

本府

黃岡縣附

語

左黃州表

元結

軋元已亥替善大夫左振出為黃州刺史下車黃人歌曰我欲
 逃鄉里我欲去墳墓去公今既來誰忍棄之去於戲天下兵興
 今七年矣河淮之北千里荒草自關已東海濱之南屯兵百萬
 不勝征稅豈獨黃人能使其人忍不去者誰曰不可煩乎後一
 歲黃人又歌曰吾鄉有鬼巫惑人人不知天子正尊信左公能
 殺之於戲近年以來以陰陽變怪將鬼神之道罔上惑下得尊
 重於當時者日見斯人黃之巫女亦以妖妄得蒙恩澤朝廷不
 敢聞州縣惟其意公忿而殺之則彼可誅戮豈獨巫女如左公

者誰曰不可頌乎居三年遷侍御史判金州刺史將去黃黃人
多去思故爲黃人作表如左氏世系左公歷官及黃之門生故
吏與女巫事則南陽左公能悉記之

宋

竹樓記

王禹偁

黃岡之地多竹大者如椽竹工破之剝去節用代陶瓦比屋皆
然以其價廉而工省也子城西北隅雉堞圯毀秦莽荒穢因作
小樓二間與月波樓通遠谷山光平挹江瀨幽閒遼夏不可具
狀夏宜急雨有瀑布聲冬宜密雪有碎玉聲宜鼓琴琴調和暢
宜誅詩詩韻清絕宜圍碁子聲丁丁然宜投壺矢聲錚錚然皆
竹樓之所助也公退之暇披鶴氅衣戴華陽巾手執周易一卷
焚香默坐消遣世慮江山之外第見風帆沙鳥煙雲竹樹而已

待其酒力醒茶烟歇送夕陽迎素月亦謫居之勝槩也彼齊
落星高則高矣并幹麗誰華則華矣止于貯妓女藏歌舞非騷
人之事吾所不取吾聞竹工云竹之爲瓦僅十稔若重覆之得
二十稔噫予以至道乙未歲自翰林出滁上丙午移廣陵丁酉
又入西掖戊戌歲除日有齊安之命己亥閏三月到郡四年之
間奔走不暇未知明年又在何處豈懼竹樓之易朽乎後之人
與我同志嗣而葺之庶斯樓之之不朽也

快哉亭記

蘇轍

郡人張夢建亭坡扁曰快哉又爲之作詞今無文惟末句云一
點浩然氣千里快哉風東坡弟蘇轍字子由爲作記江出西陵
始得地平其流奔放四大南合湘沅北合漢沔其勢益張至於
赤壁之下波流浸灌與海相若清河張均孟德謫居齊安即其

廬之西南爲亭以覽觀江山之勝而予兄子瞻名之曰快哉蓋
臨臯之所見南北百里東西一舍清浪洶湧風雲開闔晝則舟
楫出沒於其前夜則魚龍悲嘯於其上變化倏忽動心駭目不
可久視乃得翫之於几席上舉目而足西望武昌諸山岡陵起
伏草木行列煙消日出漁父樵夫之舍皆可指數此其所以爲
快哉者也至於長洲之濱故城之墟曹孟德孫仲謀之所睥睨
周瑜陸遜之所騁騫其流風遺俗以稱快世俗云楚襄王從宋
玉景差於蘭臺之宮有風颯然而至者王披襟當之曰快哉此
風寡人所與庶人共者耶宋玉曰此獨大王之雄風耳庶民安
得而共之王之言蓋有見焉夫風無雌雄之異而人有遇不遇
之變楚王之所以爲快哉蓋有見焉夫風無雌雄之異而人有
遇不遇之變楚王之所以爲憂此則人之變也而
風何與焉士生於世使其中不自得將何往而非病使其中坦

不以物傷性將何適而非哉今張君不以謫爲患竊會其
自放山水之間此其宜有以過人者將逢戶窻牖無所
不然而况濯長江之清流游西山之白雲窮耳目之勝以自適
也哉不然連山絕壑長林古木振之以清風照之以明月皆騷
人志士之所以悲傷憔悴而不能勝者烏覩其爲快也哉

鳴軒記

張文潛

鳴軒者文潛讀書舍也客有言曰吾聞之時其從來以避寒暑
之害而高飛遠舉能伊於人無慕者鳴也今子以鶻暗不見事
幾得謹辱於聖世家况忍辱於泥塗苟升斗以自養而欲自比
於鳴不亦愧乎張子曰子之言是也然予居此以巳卯之秋其
遷也庚辰之春與夫營塾暇澤中獵食以活秋至而春去者得
無類乎客曰然

無類乎客曰然

安國寺記

蘇軾

元豐二年十二月余自吳興守得罪不忍誅以黃州團練副使
思過而自新焉其明年二月至黃舍館粗定衣食稍給閉門却
掃收召魂魄退伏思念求所自新之方友觀從來寒意動作皆
不中道非獨今以得罪者也欲新其一恐失其二觸類而求之
有不可得者是謂欲復自志不足以御氣性不足以勝習不鋤
其本而耘其末今雖改之後必復作盍歸誠佛僧求一洗之得
城南精舍曰安國寺有竹林修竹陂池亭榭間三日輒往焚香
默坐深自省察則助我皆忘身心皆空求罪始所從生而不可
得一念清淨染汙自落表裏儻然無所附麗私竊慨嘆朝往而
暮還者五年於此矣寺僧繼連爲僧首七年得賜衣又七年當
易流欲謝去其徒與父老相率而留之連笑曰知足不辱知止

不殆卒謝去余是以媿其人七年余將有臨汝之行連日寺未
有記具石請記之余不得斷寺立於僞唐保大二年始名護國
嘉祐八年賜今名堂宇齋閣連皆易新之嚴麗深隱悅可人意
至者忘歸歲五月男女萬人會庭中飲食作樂且祀瘟神江淮
之舊俗也

永興禪院記

王禹偁

齊安郡名也永興院額也蓋僧者故老通而呼之遂以爲常耳
唐時舊州在齊安河上院錄去因刺史杜僕射以白雲觀建爲
斯院按唐史未嘗有官至端拱而刺黃者疑唐末杜洪據有鄂
渚北結梁人東抗楊氏黃鄂之屬郡也或以宗族典之于特皇
綱弛紊官紀僭殄僕射之稱不爲異矣其隨郡遷徙立院於茲
兵掠火燔曾無寧歲乾寧中揚行密盡有江南之地天祐二年

楊公卒其子渥稱嗣吳王奉唐正朔以部將孫彥思爲黃刺吏
始造院宇崇佛像彥思母王氏捨粧奩鑄鍾于今尚在主院之
僧傳法之祖喪亂無紀莫得而知今所述者斷曰紫陵而下紫
陵者郢中名山也山僧曉禪世謂之紫陵和尚後捨茲院遊
鳳翔從清泰入洛賜號國師次曰同一次曰行一次曰節運次
曰延真次曰自正此五僧者自前唐天祐止矣其端拱初有若
蘄州三角山龍門禪院自南開堂演法自南受以肥人世姓解
氏住持凡七年復歸蘄州四祖雙峯山淳化中有若蘄州曰雲
山廣教禪僧智雨嗣興院事智雨者遵水人姓朱氏以至道三
年十一月十二日寂滅壽八十一夏臘二十七臨終召院衆付
囑今長老仁辯仁辯遂寧人得法于智雨者也卽以某月十八
日茶毗之法起塔於長圻村二十八日仁辯會大眾陞法堂有

僧名質問曰如何是齊安境答云後面青竹連道觀前綠水此之謂又問如何是境中人答曰火似不相見此之謂住持傳法僧舊有堂厨各五間郡人王福捨錢二百萬造殿再興捨錢一百五十萬造僧室郡之衆率錢二百萬建老長宿堂又率錢十萬立方丈室左都押丁文璣捨錢五十萬建浴堂蘄州人王眞捨錢四十萬創菩薩堂壺彌勒佛里人周遇捨菜園此之謂檀越知院從節申牒公府維那敦功掌提宮堂司供養殿主有恩掌化募施利典產義超掌庖厨有歲省慎掌墾種此之謂知事僧先是為住持傳法僧無祖稱道高衆伏則推之知事僧無資級不堪心願則為之故上下熙熙而忿爭不作矣禪者儒之曠達也律者士之名教也浮圖氏離而為二罕能兼之其甚者率相矛盾過于仇讎惟長老仁辯禪其心以度人律其行以伏衆

有來斯應虛往實歸禪其心也一裘一飯之外日誦法華經二部律其行也禹偁筮仕以來治僧訟多矣獨愛其無親疎無入我有賢智則尊而事之有才力則信而使之去而不強推而不竟渾然幾乎道矣故物之而為之記至於院宇之至嚮田園之廣袤道且經典租庸什器請書石陰

子姑神記

蘇軾

元豐三年正月朔日子姑京師來黃州二月朔至郡至之明年進士潘炳謂予曰異哉公之始受命黃人未知也有神降于州之僑人郭氏之第與人如響且善賦詩曰蘇公將至而吾不及見也已而公是日至神以是日去其明年正月朔又曰神復降于郭氏予往觀之則衣草木為婦人而置筋手中一小童子扶焉以筋畫字曰妾壽陽人也姓何氏名媚字麗卿自幼知

其書屬文爲伶人婦辱垂拱中陽刺史書妻夫納妾爲侍妾而
其妻妬悍甚見殺於側妾雖死不敢訴也而天使見之爲直其
寃且使有所職於人爾世所謂子姑神者其類甚衆然未有
妾之卓然者也公好酒而能賦詩且舞以娛人詩數十篇敏捷
立成皆有妙思雜以嘲笑聞神仙鬼佛變化之理其答皆出於
人意外坐客無掌作梁州神起舞中節曲終再舞以請曰公文
名於天下何惜方寸之紙不使世人知有妾乎予觀何氏之生
見掠於酷吏而遇害於悍妻其死深矣而終不指言刺史之姓
名似有禮者客至遂知其平生而終不言人之陰私與休咎可
謂智矣又知好文字而耻無聞於世皆可賢者類爲錄之答其
意焉

天篆記

蘇軾

江淮間俗尚鬼歲正月必衣服箕箒爲子姑神或能數數書字
黃州郭氏神最異子去歲作何氏錄以記之今年黃人汪若谷
家神元奇以箸爲口置筆口中與人問荅如響曰吾天人也名
全字德通姓李氏以若谷再世爲人吾是以降焉箸篆字筆
奇妙而字不可識曰此天篆也與篆三千字云是天蓬呪使以
隸字釋之不可以見黃之進士張炳曰久濶無恙炳問安所識
荅曰子獨不記劉苞乎吾卽苞也因道炳昔與苞起居語言大
甚異炳大驚告子曰昔嘗識苞京師青巾布裘文身而嗜酒自
齊州人今不知其所在豈真天人乎或曰天人豈肯附箕箒爲
子姑神從汪若谷遊哉予亦以爲不然今爲鬼爲仙固不可知
然未可以其所托之陋疑之也彼誠有道禪王官家也其字
不可識而意簡古非虛落間竊食鬼所能爲者昔陵



死見神於先後宛若民多住祠其後漢武帝亦祠之謂之神
石震動天下若疑其所托又陋於全矣世人所見常少所不見
常多奚必於區區耳目之所及度量性外事乎姑藏其書以待
知者

黃州謝上表

王禹偁

乍離近侍猶忝專城循省尤違彌深感泣伏以黃州地連雲夢
城倚大江唐時版籍二萬家稅錢三萬貫今人口不滿一萬稅
錢止及六千雖久樂昇平尚未臻富庶求言養活亦藉循良如
臣庸愚曷副憂寄謹當勤求人瘼遵奉詔條室寒器訟之民東
縛儉猾之吏敢言課最庶免曠遺况當求理之朝必不
政伏念臣叨司帝誥又歷周星既不曾上殿求見天顏又不曾
拜章論列時事入直則閉閣待制退朝則杜門讀書雖每日起

居實經年抱疾不敢求假恐煩醫官自後忝預史臣同修實錄
晝夜不捨寢食殆忘已盡建隆四年見成一十七卷雖然未經
進御自謂小有可觀勿坐流言不容絕筆夫讒諂之口聖賢難
逃周公爲鴟鴞之詩仲尼有桓魋之歎蓋行高於人則人所忌
名出於衆則衆所排自古及今鮮不如此伏望 皇帝陛下雷
霆震怒日月迴光鑿曾參之殺人稍覺投杼察顏回之盜餅或
出如簧未令君子之道消惟賴聖人之在上况臣孤寒無援文
雅修身不省附離確臣祗是遭逢 先帝但以心無苟合性昧
隨時出一言不愧於神明議一事必歸於正直愠於群小誠有
諛詞謀及卿士豈無公論以至典兩朝掌誥四任詞臣紫垣最
忝於舊人白首不離於郎署以微臣之行已遇 陛下之至公
又當辯明未敢伸理今則上國千里長淮一隅雖云守土之榮

未免謫居之歎霜摧風賤芝蘭之性終香日遠天高葵藿之心未死仰望旒宸不勝涕洟

劉侯興學記

聶炳州門知

國家之制百爾有位凡在官禁不得樹碑訟德所以防要譽杜貢諂也終更則弛其禁所以順民情勗中材也然則人之有善不沒其實亦君子之用心哉予舊者道經齊安郡博士而下暨學校諸子登予舟而致請曰劉侯之守吾郡三年矣今茲告滿言旋吾徒獨不能忘其劉侯嘗注意於學校也予益爲我文其事於石予聞斯言因諗厥故諸子合辭對曰郡學舊置四部以訓諸生因仍相承常備其一劉侯下車卽復舊置於是學校倏忽壯觀矣予從而詰之曰劉侯之政如斯而已乎諸子復曰政

有大小有善不政之大者善者莫如學校况劉侯斯舉非直爲
觀美也凡諸生誦習之節課試之法靡不各臻其實而諸生駁
駁然知方矣延祐設科以來齊安之士無與計偕者劉侯上斯
文郡人蔡堅趙宜相繼領河南行省鄉試文解皆吾侯鼓之舞
之之功也吾徒安得而忘乎予因是深有感焉世之所謂興舉
學校者不過舟艘廟貌粉澤虛文鄙俗相誇若浮屠老氏之所
爲嗶嗶然號於人曰報本云者豈知本哉甚則視學校猶完庫
視師儒猶屬吏追呼控御如遇諸冗僚暇則按歷布筭斗粟費
緡一有綿繡大挫小辱立中奇禍借曰位學官者或其自取然
豈愷悌忠厚之道哉觀劉侯之所爲則其賢不肖之相去何其
如是之懸絕也予行將有學校之責聞諸子之言輒然若有以
啓予者故不辭讓遂次第其說俾歸而銘諸石侯名魚學臺文

保定世家揆初暨終判官陳惟嘉經歷馮天潭與其僚慕實左
右之附見於此

重修竹樓記

龍仁夫 廬陵人

齊安故江淮間斗僻郡然以江山之勝望東南岷江蟠漢湖澎
浩漾來天際赤壁截其涯過武昌樊口諸山蛟翔鳳峙森森獻
狀茲其為勝已然談是間登臨之美刺稱竹樓曩宋翰林王公
禹偁字元之來守黃郡即城西北隅雉毀秦滌穢作小樓二間
為退食之娛不左而竹從土宜也風塵雨蝕荐圯荐新新復圯
蓋三百年矣至元順辛未冬侯疇楚公初蒞郡馮高踰跼曰是
宜新之既期穀登民和察宋雍肅刑清訟簡長日湛然於是謀
之監郤公暨佐貳諸賢究廢興脩故章掄材鳩工改作此樓棟
宋揆檉堯榱檣閎黜聖漆丹悉如度蓋捐俸廩與官計之贏而

民不與知焉登斯樓也所謂風仇沙鳥煙雲竹樹與夫夕陽素
月之觀煥然如在至道咸平間屬予記安有聞而勦之曰王公
茲樓之勝竹之助亦多矣今不竹而瓦何居予曰陋哉客也崑
山之昨以玉抵鵠彭蠡之蚩以魚飼鼈大則繁故也黃之人昔
者刈竹如管蒯今者得竹如金珠夫後人之存古也存其意而
已而奚竹之拘客又曰君子擬以其倫今之構斯樓也其猶昔
人也故予輒然曰客陋滋甚夫善論人者不于其迹于其心黃
爲邵歷世稱遐馭非羈人謫客左遷鷓退不至是間王公以危
言直道獲譴當朝自玉堂而除而楊而至是州也江湖魏闕之
情蓋不勝黯被鶴擎華陽爐香易卷云少寄其遷謫無聊之情
天朝混闢來黃爲腹邵且天曆初皇帝膺勞於外嘗駐蹕焉顧
南州赤子遠天京勤勞擇良牧侯以豸冠名流天官清選佩一

十石綬爲此來而何王公之比所謂迹也天壤開魁人偉士有
曠萬里而同襟懷越千百年而合符節者心而已翰林以清忠
鯁亮爲宋名卿侯以公無方正爲元鉅公心術行事軒軒磊磊
揭日月中天非予所謂曠萬里越千百年而脗合者乎矧長貳
若屬無不心侯之心者然則茲樓之勝炫映今昔夫矣疑客語
塞則續請曰將無異予於是絕纓大笑曰毫哉龍子昔人所謂
中書君老而禿復執筆從王公後茲其爲異歟客相與笑粲然
遂書昇石工勒

不期

重修儒學記 節文

朱節 山陰人

黃爲全楚東藩地當水陸之衝西北多山其南暨東界以長江
浸以諸湖其中可出而田者不及什之五然財賦所需視他郡

殆數倍焉不啻也賦入既廣而民或囂於訟庸是乎茲郡舊銓
司常難其人蓋罷於使軺之旁午窘於逋負之征求而仍之以
訟牘之填委其日力有不逮肆於學政往往頽廢莫之或舉夫
勢則亦有然者西蜀余公貴以正德歲壬申來守茲土初謁學
宮見殿宇頽圯顧僚屬曰此郡政之首而廢若茲乃吾里良也公
又悅而思曰物盥而舉時也今積逋如山上下奚攸賴乃親詣
學宮度地而廣之諏曰戒工始事於乙亥仲春之甲午迄功於
季冬之丙子不卒歲而功成是役也因其故而葺之者 大成
殿暨兩廡四齋戟門碑亭為屋六十八楹撤其朽而新之者明
倫堂鄉賢祠暨膳堂金字為屋又四十四楹拓其舊而創之者
為崇文閣為屋又五楹木以椽計者一千七百有奇鈔以貫計
者七百四十有奇工以日計者一萬五千有奇其崔奠之費

出於公帑一不勞民時貳守廣陽王君相通府山陽牛公緒創
門毛公應時相與共襄厥美而司訓烏程湯君鼎實董奚斯之
勞用是人不得擾而事易集其規制大都是舊地廣五之一屋增
四之一宏偉壯麗甲於諸郡既落成公乞歸西蜀庠之師若弟
樂公之志有成而喜游息藏脩得所相率造余請識其顛末泐
之珉以識公於不忘予乃復進諸望而語之曰若知所以脩復
學宮之意乎今天珠玉奇寶也人之所以愛之則必為之充五
具飾五禾櫛而函之匪值以備觀美蓋璣璇璋璋厥有攸賴今
飭茲學宮瞻仰有資諸養有地當何以自效諸生生長是邦昔
之名賢碩德休風餘韻足以振起後人如蘇王之文章如魏國
之政事如二程之道德耿耿焉法當時而傳後世人果克奮然
自立一以古人為依歸而不徒弊焉攻舉業之聲病以為能

此固余公積玉函珠之盛心也此固朝廷設教養士之本意也抑亦二三子之宿以自期者也余故爲拂石而書之

增置學田樂器記

前文

沈鍾

金陵人副使

弘治丁巳冬天台盧君濬希折暑者以刑曹郎中擢爲黃州守蓋妙而質敏捷學博而才識超邁視郡多淫祠擬梁公故事殘厥像放諸江流一時土木之妖殄盡每朔望詣學宮謁先聖比見後堂棟老就壓卽多方規措帑材叢工撤而新之下逮齋號之類煥然改觀于昔學旁民有侵漁官錢劫宇違式者因械治厥罪適校官有解舍傾圮假處齋號者給而與居之又民有以廢寺田訟于官者度其田于寺于民兩持不可與考慨然曰夫是田與其如虞芮視之寧歸之學宮如汶陽之于魯不尤愈乎庸請于當道以其田爲其學義田募農耕佃除常稅外每歲所

祖祖百石積于八廟凡補葺宮宇齋號之費及助生徒負不兒
舉婚葬者悉於是乎取給抑春秋丁祀樂設而不奏器亦寢散
併歌舞者亦復之人緣是預於樂器之故者飭之既備特延南
京神樂宮羽流某至棟民間童兒十許輩教演幾三月歌者舞
者弗復之而丁祀時洋洋然于于然聲容駭然于人耳目間矣
孟軻氏曰知者無不知也當務之為急君蓋急于當務者莫軻
又曰所惡于知者為其鑿也如知者若禹治水行其所無事則
知亦大矣君行所無事者鑿云乎哉茲固庶幾乎大知而無歉
焉耳教授舒君旌司訓王君瀛方君昂李君麟輩以君究心于
其學宮請予言記之併勅其所以于碑陰

文廟祭器樂舞生記 節文

歐陽旦 安福人提學僉事

弘治戊午黃州守盧君希振履任之初恭謁文廟深以禮樂器

數廢缺弔稱爲懼迺考圖定式鳩工集材凡劍登鼓管簫簫三尊
爵笙鏞搏拊琴瑟祝敔鼙鼉縣干羽之屬缺者補壞者脩所漆不
飾者以髹以繪擇民間子弟脩業者教之歌舞而復其身明年
己未秋丁事君率僚屬師生行釋奠禮禮畢且既嘉笙鏞既成干
羽旂章聚摯布列博士弟子自舒旌張繒等以干職司學政請
紀于石粵自生民以來未有盛於孔子尊崇之典未有盛於
今日是故韓起觀禮而知周之所以王季札觀樂而知王化國
風盛衰之所以異蓋儀文度數聲容節奏之間實精神心術道
德風化之所寓古先聖帝明王化民成俗率以是也 國家以
禮樂爲教百三千年于茲君以民之師帥祇奉德音稽古攷今
脩廢舉墜俾窮鄉下邑復觀禮樂之盛爲吾徒者尚求其本措
諸躬行實踐使凡民有所觀感興起相率而歸於大順至和之

中也哉君名濟希哲字也游之天台人其器數樂舞生姓名刻於碑陰

重建學廟記節文

楊溥石首人
大學士

廬江錢君敏由進士評事大理出守黃郡以廉勤蒞事以平易近民不踰年百廢斯舉官府無事重惟郡學寔朝廷所賴以宣教化育人材祀典係焉歷年既久頽弊不稱乃謀僚屬捐俸金傭力鳩工掄材陶甃圖維新之於是郡民好禮者亦樂然趨事乃拓故址度之垣之勅其廉隅甃之石之必底龍密乃締構之經始於正統二年三月越明年秋訖工殿廡門墻有恤其嚴神庫神厨有事維備明倫有堂授業有齋教官解字諸生遊憩之所維正維寘維厥攸寧告成之日郡人咸謂前所未有教授安城尹遜具其事請記之孔子之道本乎天具乎人心載諸方

冊不效於異端不泯於烈焰且萬古猶一日也前乎堯舜以是而帝禹湯文武以是而王臯夔稷契伊傅周召以是弼亮之世臻大順民樂雍熙禮曰四代三王惟其師此之謂也有司不有徇名忘實者乎若錢公者可謂能體 聖心無負所任者矣予因是記其槩同事諸君子題名碑陰

重脩學廟記

黎淳 華容人尚書

入湖藩首臨黃郡諸公署首登郡學其大成殿巍然高峙冠冕一方左右分兩廡前豎戟門又前豎櫺星門崇廣亦遵今時王制質文兼脩其宏麗焉其明倫堂巋然端坐擁護前殿左右列兩齋後爲膳堂爲祭厨官庫爲弟子館爲倉廩又略倣太學之制品式全具甚整齊焉遠而望之丹青輝煥如瞻闕里之宮壻近而卽之禮度詳明如見杏壇之制作可以尊祀先王啓迪後

學傳之萬世而無斁矣惟茲廟學古書院故址也舊皆傾圮今
一新之誠有大功於斯文舉其綱者巡撫湖廣右僉都御史每不
昌吳公輿壁振其紀者布政叅議晉陵劉公廷賓按察僉事仁
和邵公叔璋經營其始終而成之者前郡守嘉興俞公浩今郡
守上海王公霽助其力者同知李侯恒通判張侯英龔侯鑑推
官余侯貫董其役者郡幕曹廣陳琮教授汪高訓導夏璿林勝
造端於成化辛卯之秋畢事於癸巳之春都憲公乃謂其屬曰
斯舉也當銘其德以告于太史氏有其人乎衆曰當請于章容
黎淳遂遣使來惟黃淮楚要衝江山萃秀昔我高皇創業時
則多武將金戈鐵馬從征於四方後暨列聖守成時則多文儒
金榜甲科敷歷於中外惟以地之靈鍾爲人之傑焉爾然而氣
質不齊事業亦異必有待於學校之教然後暴者化爲仁邪者

變爲正昏懦不立者改爲聰明才辯各得其中醇而無疵也今
幸貞元會合國家太平之治薰蒸百年氣化澄清又幸都憲公
暨郡之諸侯皆仁厚之政睦雍千里風俗淳茂賢材生於斯時
有足觀矣冠帶縉紳來游來歌得盡納大川崇阜之英華聚於
學宮悉爲時用安可不務學哉然所以學之法何如今提學按
察副使莆田嚴公宗源之教條量學者資性高下程限書句令
其默而識之次乃及學舉文字而黜其幽而陟其明蒐棟俊良
供給國家此其要也若等而上之性敏者旣治一經又兼通一
二經泛觀子史百家資其法程立我名節爲古者功名之士此
其優也又等而上之貫通五經而博於文踐履五常以約其禮
上師周孔下友顏曾爲古者道德之士斯尤其高品者也天地
之氣運無窮學校賢才之出亦無限黎淳誠不敢謂苗裔乏其

人而累焉願俾此以似衆遂以復於都憲公銘曰

惟黃建學華故鼎新曷以致斯國有其人復穆王公神綏爵位
尊出筮邊嚴恭歲事潭潭儒室士履典常鼓鍾經史浚發福祥
人在春風物沾時雨乘來奮興雲龍風虎當其無事爾養厥躬
官守言責蹇蹇匪躬其或有虞爾身殉道臣終於忠子終於孝
觀文成化四海永清天子萬年吾道大行

府屬州縣舉人題名碑記

李正芳 麻城人
布政

黃部歷科鄉舉未曾立石題名是一缺典也雲間王公景明由
名進士歷官南京刑部郎中獄獄詳明賢名大著

聖天子軫念元元擢守吾郡到郡之二三年歲在甲午當天下大
比吾郡與諸邑之學登名薦書者十有七人魁經者三人草木
為之增輝山川為之出色猗歟盛哉時臨川饒公聲隆來為判

府諸科名之盛由大守之作興也乃作歌一章以頌之且謀題
舉子之名并刻其歌于石以傳其盛而紀其榮於是載石於南
康之麓未有其跌偶於官舍墜土中得之其高低廣狹與碑身
相稱似有鬼神呵護以待今日之用豈偶然哉礱石已成予與
憲副周孔明寔至貳守朱新馬公自強判府金州張公廷傑准
官常山樊公秉王僉謂子宜爲記予辭之至再不獲竊惟人遇
聖明之世則得行其志遇豪傑之手則得效其靈故臯璣之志
得行於唐堯虞舜治世之日閩蜀之靈得效於文翁常衮治郡
之時載於史冊信不誣矣洪惟我朝之世熙熙皞皞遠邁於
唐堯虞舜之爲君我太守之爲列列萬轉轉遠法乎文翁常衮之
爲郡志則行矣才財傑矣吾地得不效其靈乎彼郡城前大江
之中連連三洲橫亘樊山之口大壯黃城之勢是地效其靈

地既收靈氣蒸鍾於人故諸子之間學文章精純典雅所以
科目人材之盛前此未有也吾知太守之得行其志者由遇
聖明之世地得效其靈者由遇豪傑之材今而題諸子之名刻
饒公之歌是補其缺典也前科舉子之名不題而題今日之名
者是紀其盛也况諸子之學淵深宏博見我朝之制作彷彿乎雅
乎唐虞之盛饒公之歌冲融雅淡見我朝之制作彷彿乎雅
頌之音使後之來官於此者誦其歌靡不企慕皇德思接王公
之武來學於此者觀其名莫不奮發興起思踵諸子之跡嗚呼
悠久無疆者天地也流峙不息者山川也吾冀此石此名此歌
與夫太守之德亦與天地同悠久山川共流峙歷萬世而無磨
也與是為記

重新郡治記

曾大有

麻城人按
察使

黃州地饒勝槩郡治相沿形蹟大同若夫規制殊設微惡異觀
古今不相及未可以強同也舉其所欲墜而拓其可更必待其
人物有數焉正德壬申西蜀余公貴來守黃州下車之初聞
事傾側震風交雨摧撼有聲且與後堂迫甚鳩尾相摩其
之外門僅一楹旁屬民中道褊促不盈數丈吏民集事者
重足殆不能容乃顧僚吏而嘆曰黃爲楚名郡而郡治及如斯
撤而新之固其所也然兵荒復繼特馳舉耆弗爲也慎得支
措猶少待焉越又明年甲戌秋穀旣成公復謀於同知王公相
通判牛公璠將戍事以致用僉曰前守胡公錠行與懷會弗及
爲矣公亟圖之孰敢以誚公公曰是誠在我於是鳩工市材營
出於公而民弗擾雨逾月而百發畢舉其聽堂視舊址前移三
尺如與後之城堞稍遠而戒石儀門迤遷於前增建講堂三間

正堂東西爲幕廳各一其下兩廊爲六房貯吏牘者十數楹又
增置東西轉廊與儀門聯接誰樓外屬民庖者易以他所置地
爲門三楹中道倍寬於昔一門樹屏綽有餘地數丈舊書堂階
斗峻而中外不展今刻去二丈余始就寬平此其大觀也通判
毛公應時推官朱公節繼至王公相董謂厥功告成不可無傳
走使泚爲予記之竊惟時以作事政舉在人事有因革政有弛
張君子脩政宜民文明和順章道乃成黃之郡治重建於宣德
垂及百年棟朽蟻蝕於盡不可裕於時所當革而革言三就亦
旣乎矣公之斯舉夫豈易哉昔王元之記竹樓蘇子瞻築雪堂
黃之名勝已昂於斯爲著我公初抱時繚入窮之憂無事及適
及政通人和則幸親郡治須模宏遠所謂竹樓雪堂赤壁之勝
已昂藏於襟帶之中其端居聽政因有聞鐘鼓而知牧愛如輪

矣而頌文明者行將陟崇階棟清廟嶢嶢天下咸出曾日中其畫
其豐功偉蹟矣曾輝映蘇王諸公於千載之上哉猥予無能發
揚盛美姑記其實以備部乘之登載自附於不朽云

復蘇公舊蹟記

羅玘南山人尚書

弘治戊午予同年天台盧侯以刑部郎中出知黃州府黃蘇文
忠公謫居地也公嘗築雪堂于東坡今僅存地文餘侯出過之
喟然曰是滄於民不可公嘗寓定惠院游乾明寺黃泥坂諸處侯
問於民曰是茲何在民皆不知侯曰是不可也吾且究諸於是
遷雪堂于府治之東與祈樓配使麗于公所可恒存也明年按
地節驗院寺坂以次皆復遂亭其院曰海棠餘韻侯意若曰是
崇公之詩亭其寺曰坡仙占跡侯意若曰是革異教一歸諸公
惟坂亭無易名侯意若曰惟古貞是不可變黃人始昧若不知

有公也既而是然訝公復生繼又駢然或欲從公復遊又若其
有公也填郭盜郭或聚或散去而復來旋絡新觀若味飲食且
曰舊之守多矣何寥寥乎木蚤吾復也又曰吾林有材可以爲
棟吾以有石可以爲礎吾庾有粟可以食匠其貧者亦曰具吾
版鋪可以築堵且吾鬻鬲可以沃塗畫爾可茅宵爾可綯侯皆
不吾預也侯則孔仁吾其何民遂相與鑿石造侯願記之侯曰
辭但弗傳不可民曰盍徵諸朝侯曰吾自有記匪可施諸遠
者大者志吾復公之跡寔宜蓋指予也夏六月乃以書屬吾肝
守節侯督予記蓋爵侯黃人也先是與予論侯是役也成民之
所欲爲而民不知既成又無德色於民有類古之爲政者乎故
樂爲書之非以私同年也

去思碑記

莊景

黃大夫滕君霄治黃十八年黃人曰固有攸志厥予去哉乃因
司徒孫萬壽夫者以命志於泉泉曰壽夫黃人稔大夫政也矣
志壽夫曰某生也後弗遠從大夫大夫政某弗知某但聞吾
人曰自大夫去吾黃也一畝而穰必曰吾飽是滕大夫之教
田也一帛而緜必曰吾煖是滕大夫之教我桑也子子而父
弟弟而兄兄必曰我有孝弟是滕大夫之教我學也蒸難相
出入相交喪婚相慶弔必曰吾知相卹滕大夫之厚我俗也
而特梗而芸結糾而亂必曰我不相踰滕大夫之奠我生也一
使一事一止一居必維吾滕大夫之念某常是聞未嘗某美其
德吾黃人也而嘆某之弗逮見大夫聞大夫若是而已然政之
詳不可得而知也某曰是奚異乎黃人之爲此也是亦大夫政
已苟大夫之政不能仁不能使民以衣食大夫之政不能禮不

能使民以相生大夫蓋兼十數者而為之政也今大夫愛齊民
塊然於縣郡之上有一則可已而矧夫天是志矣復曰詳哉壽
夫曰吾黃人之慶也肆志之以慰黃人以告後之黃大夫

軍儲倉記

應鵬 中臨海人
教諭

軍儲倉者黃州通府山陽牛公之所建以貯軍餉者也地偏府
之東相去不半里先是催科失計逋負連年在苒就緒署亦頽
壞太守古綿余公甫下車有憂之一日進牛公而告曰國之大
事在戎大命在積蓄也今倉若茲公之所當憂者寧有復事乎
此乎時貳守廣陽王公通守薊門毛公推府山陰朱公僉曰宜
遂各捐俸買材鳩工自春徂秋而落告成因屬予為記噫予不
敏曷足以與于斯雖然公之才名德政遐邇藉甚難以片言悉
然其在倉之規畫固有可述矣愚嘗遠觀焉倉之中見其巍然

有亭端處乎中者廳也廳前復見崢嶸對峙者重門也迤邐而
北小室木環如拱如揖退食所也重門內外北櫛聯蟬從北以
抵南則其倉也映食西列獨據高阜有木蔚如其周遭者五顯
祠也祠下復一小祠右列而孤立則漢之樊侯塚側今之士神
廟也祠非倉所急昔有是而今不廢無害於義仍其舊也至若
新楹一帶凡若干間在二祠之最西倉之間也非以法繩民得
已而不已一懲百戒速其輸公而刑期無刑又公之忠與仁也
夫倉恃一事而刺作整好宅心惻愛皆在焉宜民感其德化其
頑而不自知也卒致數年之逋完不旋踵三軍之行士無飢色
且西南一方之重輕咸倚于黃矣視彼給餽餉不絕糧道者公
功豈居其下乎而況有脫巾量沙與之軍興之急乎乞若茲則
三代有備無患之盛何以加此予以是知公之仁於民忠於國

皆所曠見而必垂之無窮也故樂為公垂

重建清軍廠記 節文

應

清軍廠黃州之八會者重建者郡守余八會歲年王公相也黃之
舊廠陂曲淺隘傾圯特甚久莫之治正德癸酉王公南孝廉舉
來貳于黃白于清戎御史王公相公可其請有未贍者守與公
暨通府牛公璠毛公應時推府朱公節各捐俸以助至于平土
物約財用量功命日不愆于素則黃岡尹胡公縈之功居多始
事于甲戌秋七月之朔日迄功于乙亥秋七月之既望而廠告
成鵬紳嘗勘史源懷有云為貴人當立紀綱譬如為屋外望尊
嚴楹棟平正基址完勞也今夫廠中為堂傍為廂前為重門其
規畫之森嚴足徵於茲焉至于坡者夷之曲者直之湫而隘者
開拓之則又宅心之正行已之方為謀之固凡所謂紀綱者悉

於此乎備是誠不可以儼易之也於是乎書

赤壁重脩東坡祠記

古文

吳琛

繁昌人
都御史

宋蘇軾子瞻以元豐二年己未三月自彭城移守吳興四月二十九日抵任上表以謝又以事不便民者不敢言以詩諷庶有補於國御史李定舒亶何正言撫其表語并媒孽所為詩以為訕謗遽赴臺獄欲置之死鍛鍊久之不決神宗獨憐之以十二月二十九日責授黃州團練副使本府安置三年庚申二月一日至黃寓居定惠院未久遷臨臯亭幅巾芒屨與田夫野老相從溪谷間五年壬戌就亭東築雪堂自號東坡居士七月遊赤壁作前赤壁賦十月又遊之作後赤壁賦後守黃者仰其流風思其過化乃於赤壁之上立祠肖像以時祀之歲久祠宇隳敝未有飾者成化辛卯冬侍御建安江本達弭接湖湘滿期適侍

御溥安王用之來代會... 命黃守余誥別駕泐壁通倅龍其鑑張英推官余貫圖而新之更
命龔珉刻二賦立於祠以徃其觀瞻郡官如命遂飾祠立石事竟
二侍御以予叨臺長承命於茲欲一言以紀其意過於祠下者
宜考於斯

重建城隍廟記

曾大有 麻城人 副使

古之爲政者以事神治民爲要天子祭天地諸侯祭社稷大夫
祭五祀庶人祭其先禮之大節也後世郡邑有城隍之祀歷代
相沿莫之能易及加以封號則瀆禮不經矣我

聖祖繼天立極懷柔百神依古定制詔示天下凡嶽鎮海瀆並
去其前代封號止以山水本名稱其神郡邑城隍神疏一體改
正著爲令典其興廢舉墜則有土者之責也黃州城隍創於洪

武初重建於成化中歷歲滋久日入於壞有司朔望拜謁懼疎
不堪正德辛未夏郡守余公以部郎擢陞黃下車初仰朝貌傾
欹而欲區畫興脩時盜起山東搖動河南黃人震驚弗寧關外
居民皆徙避會炎暑疫癘交作城隍戒嚴艱於醫藥病者皆禱
於城隍賴以無恙僉謂神庥斯赫而廟宇狼狽曷足以揭虔安
靈乃相率請于公公曰此吾志也顧旱久若等盍禱焉禱即雨
爲有年於是號於請者曰神信靈矣願新廟者聽不數日募得
若干緡公復指處鳩工師以伐梗楠僚佐王公牛公亦協相成
之中爲廟卽舊神像施丹雘前爲廳後爲寢殿左右爲房前爲
門共若干黝堊暉明制度采林嚴前此則未有也僚佐毛公朱公
繼至邵庠生蔣萊以余公之命來屬予爲記夫城隍之職與守
土者陰陽表裏以禦災捍患爲功者也時方兵燹民不堪命而

氣致異疫存臻神之於民隨侍而應厥功懋矣兵革之
有凶年而神效靈以成樂歲是宜秩祀之隆也我公聿脩廟宇
崇隆之吉垂之不朽良無愧焉嗣有邦土者尚知所矣寧於前
而亦有揆於後是亦公之志也是役也肇於正德癸酉夏落成
於甲戌春董其役者者民邢本端單政醫生胡貴俱載於碑陰
謹記

堂後竹亭記 節文

夏廷芝 東魯人同知

遶黃皆江也其東南諸岫隔江之許堆藍登翠羅列而來如揖
如拱者樊山也上棟下宇背山面水烏革翬飛鬼然突出乎四
境之上者郡堂也簾櫳深邃軒窓弘敞足以待賓客退思補過
竹卉陰森明月時至清風徐來得遂游玩之所者堂後園也圃
中作亭者誰府之舊宇也移植牡丹及業秀群芳者誰今之太

守也舊守西蜀余公貴今守東陽鄭公德

柳高亭說 節文

門人

應時筮仕黃州正德丁丑冬工部侍郎劉公應時以皇未北
上越明年夏五月始回今太守鄭公貳守公作府朱公偕酌
於赤壁為拂塵舉少焉登蘇文忠公堂讀公詩太守曰此
磯無亭亦為缺與應時遂唯之以成其事曰公年水盛木多
各捐俸少助醜得數椽不數日亭以成偏之以仰高意微蘇文
忠公奚其仰是為說

黃岡重脩儒學記 節文

李時勉 廬陵人

學校之興有資於守今舊矣文翁之在蜀郭范純仁之在襄邑
皆以能興學校崇教化致民俗不變故聲譽顯於當時名聞昭
於後世有不可及也此年以來儒學之士多以記誦文辭為業

而不務實學者蓋由有司者每以簿書期會爲急視學校若不
于已者雖廟舍頽毀教化廢弛畧不加之意故爲師者怠於教
爲弟子者怠於學雖朝廷專設憲臣以督理之然巡歷有時
而守令臨蒞無間苟一加之意焉則無不可者在鼓舞而作興
之者何如爾黃岡黃州之附郭邑也地濱大江舊有學規制卑
隘且歲久頽圯太守錢公至周覽慨嘆首捐已俸欲擴而大之
於是縣正僚佐邑人富室爭出錢幣以相助者甚衆乃屯材僦
工諏言興作自大成殿以至明倫堂泮臺門廡師生講誦之所
齋宿之舍一新理之至於神厨倉庫泡湏之處莫不具備壯麗
宏偉數倍於昔經始於正統二年九月告成於五年庚申七月
費不出於公帑勞不及於庶民而成此大功暇則與諸生講論
經史課其所業而獎勵之莫不翕然嚮於學文勃范純仁不得

專美於前矣邑學官尹勗以書來求言予樂聞其事而爲之記

重建黃岡儒學記

節文

朱節

山陰人
推官

黃岡縣舊有儒學在城隍廟之西南麗城不十數武厥址隘以
陋堂宇傾圮久莫之治正德歲辛未巡按東吳王公蒞黃首舉
遷學之議衆謂附清淮門軍器局東廢地寬衍可夷而宮之弗
果繼而巡按山西曹公至復踵其議且命以軍器局廢址并入
之時流賦甫靖而歲復告歉縣堂解宇皆就頽廢物力有不足
以舉盈者適重學赤城蔡公按黃進屬吏師生而語之曰茲學
當遷其無疑第更新則時絀首舊則徒費何施而可邑令尹豐
城胡君潔毅然任之遂謀於郡守西蜀余公貴諏日舉事余公
復暨諸僚親詣而度之謂允隅尚存民居且舊無稽古閣欲增
創之而地轄於武弁家乃曾臨臯驛舊址倍與其直而廣之於

是允隅既備坤維亦正而禱星集賢門稽古閣各有厥址其他
工費且悉任之一出公帑之餘不以勞民命工戒事集材於市
伐石於山以陶以度百藝畢舉始事於正德七年壬申冬十二
月二十一日建 大成殿前爲戟門各五楹又其前中爲禩星
門左爲集賢門各三楹殿之左右爲兩廡各五楹殿之後爲明
倫堂堂之左右爲兩齋各五楹又附堂小廳各三楹爲退講之
所又其後爲稽古閣五楹閣之左右爲諸生號房各十楹閣之
西爲膳堂三楹戟門之前有泮池旁以石甃之爲半壁形中以
石梁之爲王道而西號之外有隙地爲射圃凡禮典所宜靡不
爲備工以日計者七十有奇以緒計者千二百有奇地縱爲文
五十有九廣視縱減四之三址視舊增五之二規模宏敞煥然
一新於時教諭應君鵬紳訓導周君盛劉君紀謂不可無紀乃

龔石率諸生而請記之余謂胡尹一事之舉而三善咸集緩於脩邑而先於學校公也始事迄功役不逾年敏也雖當匱縮舉難而集勇也余因是而有感焉勇為達德之一凡天下之事舉顏植仆固莫先乎勇而士所以造聖成功匪勇焉攸賴吾夫子以人一已百釋達德之勇而歸其美於成功之一其防未流而慮後世不深切著明也哉今俗之病於安安而當遷者士習為甚余因遷學之有成而深自慙於向往之不勇恐卒病於安常而襲陋也故併之以為同志者告

重脩儒學記

王濟

邑人
印中

黃岡儒學舊在城南門外 國初移建城內高岡即蘇子瞻之雪堂故址面牆而隘學弟子員多俊逸才滿擬科第或間一乃健焉人頗惑之歸於地靈為蘇占去殆有遷徙意濟偶夜夢借

一達官往視新學規模壯麗左山崔嵬壁立若人力爲之可以射可以馬右山平伏而遠長江旋遶但非凡界傍有老者鬚眉皓白指示曰自是科不乏人且有賢者出子試識之濟覺而訝之會巡按張君璉僉憲憚君魏有事地方聚會城閣師生以其故進說二公欣然納之濟亦力贊其美有諸生正仰百年逢之句舊守胡君錠擇善地而下焉卜於城東乃協吉地多居民舍宇捐金購之制度悉倣諸舊稍擴而廣之鳩工市材百工咸作尋以境內多故作而復寢濟在京懷其事弗克終書速守念柰何去住匪常久莫能就工一今簡君霄以才堪治繁調茲邑銳意學校甫盈歲而工告一夫完而美令之功也不勞民而成速令之能也夫古今天下一借賢才以輔而後可以言治而養育賢才必先擇其地董子曰養士莫大乎太學然太學養成材者

而鄉學則自童蒙以上皆進而教之正其心術端其趨向大之
為聖賢次之著勛業皆於此以立其根而功固倍於太學矣曷
曰蒙以養正聖功也其鄉學之謂歟而今君子匪忽則罔知非
其人充且師之又何擇於地焉以致士失其教用之無補迺責
曰世無好人是猶治水者不清其源而責其流之不潔有是理
也哉養士如治水者誠亦多矣吾嘗獨不然教諭應君鵬翀以
學行聞司訓周君盛以勤慎聞劉君紀以篤實聞提調則縣令簡
敏而有文作率士氣郡守鄭君信朴而無偽雅重斯文提學張
君邦奇內翰清才童治有方固一時之奇遇而諸生業焉有地
範焉有人而涵育薰陶日新月盛豈無著考名如蘇者出而為
吾鄉邦增重者乎又豈無希聖希賢繼道統者出而為天下後
世重者乎若徒以文詞相高科第為榮而本焉則無如之何固

非諸公遷學之意亦非區區愛助之私而諸士友之所以自待
決不如是小小也創始於正德壬申告成於戊寅閏兩科科有
人取高第吾常乘暇覽其形勝儼然夢中所見之狀作而嘆曰
是固有兆矣固其請特書之以見其不偶適爲之頌曰瞻彼舊
宮翳不利兮維茲新址肆吉地兮宮牆數仞窺豈易兮泮水源
流宗洙泗兮弦歌遺韻續厥墜兮青青子衿奮厥志兮豈曰科
目聖可至兮爲之則是毋自棄兮吾嘗有微聊爲記兮

孔子山碑亭記

曾大有府城人
副使

黃岡之北境九十里外有孔子山山之下有溪曰孔子河北十
里許曰回車埠東隔層巒曰顏子港正德乙亥閏四月朔予偕
季弟臬僉世榮郡守梅仲脩庠友劉桂子芳輩過其境子芳爲
予歷歷指言之予因憶嘗過太行山至回車嶺道傍孔廟廟有

崔鷗諸賢詩刻予尚能記馬上爲子考誦之竊謂彼有回車嶺
此有回車塢可謂合璧故事矣遂成口占有紀原渾合璧故實
耿難磨之句明白過損齋重大叅汝淳爲言其事損齋曰孔廟
其跡予久知之而詩則未也今後當爲子延和矣已而世榮及
進士劉養忠舉人陳簡之輩和者富凡有知者皆喜談而樂道
之河邊塊石墨書數行則鄉生王伊謂舊廟已廢而有勸施規
復之圖黃岡尹滇南胡君潔以名進士宰邑有聲聞其事考諸
誌信其不誣亟謀構三立石刻詩其間而屬予記之辭弗復考
孔子將適楚而聞楚狂接輿之歌及自楚反乎蔡使子路問津
於長沮桀溺則楚固轍環之地而名跡相沿自當不朽矣但古
今作邑者不知幾人而表彰聖跡獨有賴於胡君視區區行樓示
璧之登適者所見孰遠近耶其輕重又何如也予文謏陋聊以

紀其歲月若夫王伊香火之情未可輕言恐適足以瀆之也謹
記

重脩真武觀記節文

曹珪邑人
御史

觀重脩落成道人張定安請予爲之記攷其建始出唐宋中經
兵燹不一沿革靡常逮我 國朝初僅存遺址有滕知府者道
經夜宿觀傍官舍夢西北空中有七星旗見有一神人披髮跣
足若有所欲言及旦問諸父老對曰此處有真武觀廢久意者
其將興乎滕公然之自是茅庵湯道人興造未就景泰二年南
京寧谷寺僧戒珠增脩始有殿宇以祀香火鑄鐵胎帝像并鍾
磬香爐花瓶尚存弘治庚申歲道人張定安經宿本觀聞而感
之慨然以興脩爲己任經營區畫不數年積貯寢廣乃倩工匠
易木石重加脩造卑者高之隘者廣之朞月間前殿後閣楹祠

山門竝起而一新尚慮材木之壽不若金石捐白金數百鑄銅胎玉帝并四聖真像造無量石殿以安之時戊寅歲也又以其餘功重脩盤石大橋兼築南北高堤使通衢過客永無阻溺之患息肩有亭水井有覆所費蓋不止此向非道人素行有以感乎神而見信於衆匠夫之力自給且不暇何由而得此哉故爲記

重修陽邏驛記

曾大有

陽邏黃郡西境也東距李坪去郡百里餘西六十里而至省有山蜿蜒西北來顧而大江環遶正襟帶其前民居櫛比中有聽事翼翼然于江之濱者其驛也歲之壬申仲夏賊舟抵岸肆劫縱焚驛因化爲煨燼焉大邦伯余公由秋臺出守于黃下車未幾適覩其變喟然嘆曰斯地東西之要驛停節駐往送來迎驛不

可以一日無脩建可容緩乎爰躬詣其所相度經營命工興事
鳩才于商庀工于市財弗匱民弗勞未踰時而告厥成廳堂門
廡廚寢榻及夫官吏公署于茲咸備黜陟堅緻繪飾藻麗炳
如煥如且賸有足觀焉者蓋不相倍蓰于舊矣計其時則肇工
于是年十月訖工于次年三月董其役則驛丞辛惟祥義官丘
伯海醫學正科莫琛皆公心協力而運用之陽邏有此傳舍非
無由來也又非茲驛之一大遭際歟然未有以紀之者公乃遣
价致幣來請大有弗敢以不敏辭謹據事以錄其實雖然脩舉
廢墜公豈止于斯哉建府治遷邑庠軍儲倉之增置城隍廟之
鼎新具在于一年間固足以見公治人祀神之美政而才之有
猷有爲亦可知矣是皆不可不記故併及之

建東坡洗筆池祠堂記

節文

沈靖

淮南人
金事

天之生才不偶然也鍾靈毓秀奪乎數百載之上數百載之下
四方萬里想慕其風聲雖一能片善之遺猶愛重之而不可以
廢矧過化之地故迹斯存可以廢而不治邪黃州黃岡縣學宮
之前有宋蘇長公洗墨池而學宮即其故宅處也世變已遠池
今爲勢力之所有前賢之跡將遂泯沒無聞矣天順五年辛巳
予按節來黃因訪其實傾俸貲買而得之池窪然以方上有古
梅相傳當時所植雖株欹撓而生意隱然若有待者予亟命工
疏其湮廢構祠池畔中塑長公遺像尤懼久而襲且弊也乃繕
以周垣闢境於鄰之報恩寺且俾寺僧朝夕奉祠事之庶使瞻
仰興起而其迹終不致於泯也公元豐初出守湖州以賦詩爲
時貴所忌謫官黃州團練副使本州安置公至黃故人馬正卿
爲守以郡東故營地數十畝界之因高阜築雪堂自號東坡居

今日與田夫野老以文章詩酒自娛說者又謂公之書翰得古
人印泥折釵股之法之氣鬱鬱然與秋色爭高豈其居黃時嘗
慕張芝臨池學書而斯池遂以洗墨名耶予識其顛末刻諸鹿
石用圖悠久云

邾城八景序

畢奇中 邑人

邾城古黃子之國楚王滅邾徙其君於此故名環城洎方十餘里
許壤沃而潤林榮而茂水秀山明朝暉夕暝其形勝嫩麗氣象
萬千不可盡狀故士生其間者玉潤魁偉懷林抱道或出或隱
莫不馳聲揚譽是蓋有以鍾夫山水之秀關氣運之盛而然也
若陳李常范士元吳西山之隱而著諸書載諸誌典出而若滕
翰林吳吏部張景兆徐方伯之芳聲昭著於當今也愚何幸生
於斯得際昇平幼而隨侍先父游宦仕途佩服彛訓得近衣冠

文章道德之士講習討論薰陶漸染始有以得其所依據壯而
歸守田園奉親祀享以叙鄉情釋塵俗之聒樂林泉之趣日與
袁定州高一太周希鑑諸先生高朋勝友窈窕尋壑崎嶇經丘
卧煙霞詠風月逍遙倘佯無適而非清致佳况也慨陳跡之荒
蕪歎遺縱之湮泯於是詢稽故老之遺言合其地之名勝者列
爲八景俾當時縉紳大夫相與而詠歌之其東而崎山疊翠秀
拔千峯雲生而雨集暗散而太虛此崎山之壯觀也西而龍潭
清碧浩浩滇滇素娥浴水靈盪金精倒霓裳之清影來麈樂之
天聲城南有煙樹葱龍繫陰鬱鬱林端清氣若有若無翠含山
色紅射朝暉北廓有化樂之古刹翠竹蒼松蒲牢吼振海門紅
禽鶴驚飛閭闔啓月落星稀曙生雲淡危亭荒蕪堅千古之旌
旗高阜蕭疎顧四方之烽息義井存吳公之惠澤鳳臺存儀

之清光魚浦秋風霜清水碧白蘋紅蓼滿汀洲紅葉黃花盈野
岸有魚可膾有酒可需收綸捲網其樂何如朝昏之氣不同四
時之候不一凡此八景各極其致皆邾城之所有也夫地雖勝
矣苟不得其人則一無所聞焉蓋地以人而勝人以地而靈矧
前諸公明體用之學富經綸之才文章事業榮耀當時此山水
之勝所以有托矣若會稽之蘭亭浣溪草堂輞川之別墅彭澤
之柴桑非王右軍杜少陵王摩詰陶靖節諸公則何以見其勝
哉邾城八景豈異於是乎故序

重脩盤石橋記


阮章

麻城人
行人

正德乙亥冬道人以脩橋事請予爲之記先二年癸酉秋嘗因
募財請辭許之致今欲終其事且橋之脩始於尼僧垂成而功
未竟今道人特宗之其木石工匠之費通計幾千金雖曰募於

衆姓大半出道人之誦經皆藏聚久矣完舊且爾當日始脩之
費可知前日之功十倍於今然非今有以繼之則前功將盡矣
論者不可少差按志是河之立橋始於宋祐迄今未五百年
故老傳聞橋廢已不止二百年弘治間尼僧重脩甫十年而頽
圯又歷數年則橋之興日恒少廢日恒多茲幸完矣將來之廢
興又未可必大河路當南北要衝且隣團風巨鎮東北阻江崗
西南帶長江諸湖水時盈時匯而易溢土洩石損久而失脩駸
駸然不能自固况臨河居民率資水利生養橋廢則競渡之利
可代耕釣暗鑿陰掘乘間而傷之者莫測宜乎其興脩未幾而
廢敗卽繼也均之爲人此脩彼廢一利人之安一利人之危是
誠何心與爲橋計者必有所恃而後可久聞脩橋之初工匠之
心未協彌歲無成道人以其事白于郡伯余公貳守王公通守

牛公毛公推守朱公邑長胡公致各出俸餘以助之令下村
衆心慄然效力不日遂落成由是觀之則官府之法誠可恃也
今既恃之以成豈不恃之以久特慮其遠而不知知而不爲
不勇耳雖然濟川宰相之事援溺聖賢之心孰曰不然郡縣執
政者倘加之意於橋之左右居民各僉一戶量免常役給贖防
禦脩理懲治更替卒項各示定制以世遞也視爲公家要地不
至泛泛如疇昔若無主之物斯橋庶得所恃愈久愈安可遞百
年而無廢也後嗣政者其將以爲何如尼僧成善道人張定安
施財衆姓善不可沒具於碑亭之左



Vertical text on the left margin, possibly bleed-through or a separate column of text, which is mostly illegible due to the image quality.

方山子傳

蘇軾

方山子光黃間隱人也少時慕朱家郭解爲人間里之俠者
稍壯折節讀書欲以此馳聘當世然終不遇晚乃遊於光
問曰坡亭菴居蔬食不與世相聞來車馬毀冠服徒步往來山
中人莫識也見其所著帽方屋而高曰此豈古方山冠之遺像
中因謂之方山子余謫居于黃過岐亭適見焉曰嗚呼此吾故
人陳慥季常也何爲而在此方山子亦瞿然問余所以至此者
余告之故俯而不答仰而呼笑余宿其家環堵蕭然而妻子
嬉皆有自得之意余旣登然異之獨念方山子少時使酒好
用財如糞土前十有九年余在坡下見方山子從兩騎挾二矢

游西山鵠起于前使騎逐而射之不獲方山子怒焉獨出一矢
得之因與余馬上論用兵及古今成敗自謂一世豪士今幾日
耳精悍之色猶見於眉間而豈山中之人哉然方山子世有勳
閭當得官使從事於其間今已顯聞而其家在洛陽園宅壯麗
與公侯等河北有田歲得帛千匹亦足以富樂肯棄不取獨來
窮山中此豈無得而然哉余聞光黃間多異人往往陽狂垢汙
不可得而見方山子僕見之歟

本

重脩明倫堂記

錢溥 華亭人 學士

人之大倫有五由其天性有五性原於稟賦之初倫形於生質
然倫有天屬父子兄弟也有人屬君臣朋友夫婦也夫婦
倫之本有夫婦然後有父子有父子然後有兄弟學焉而後

一朋友食焉而後有君臣則其道也莫倫於堯舜堯舜人倫之
至也舜遭人倫之變而能與契齊慄克諧以孝父子之倫定矣
同其憂喜不宿怨不讎兄弟之倫定矣不告而娶刑於二女
夫婦之倫定矣然尤平百姓之不相親遜也乃命契焉司徒
以教之使君臣之有義也父子之有親也兄弟之有序也夫婦
明友之有別與信焉處變於已則察乎人倫而守之不失其常
施教于人則敬敷在寬而化之不急其效此帝舜所以爲法于
天下可傳于後世其後夏教于校商射于序周養于庠而登賢
于澤宮名雖殊而明倫之道則一也孔子生周之末道已不行
乃刪詩定書繫周易作春秋正禮樂經雖異而教民之法則同
也洪惟我太祖高皇帝法古帝王之道務脩躬行之實首製
大誥三編申明五常又詔立大學於京師名其堂曰彞倫設府

州縣學于天下明其堂曰明倫然學校化民之本而明倫端本
之始極建于民歸之表風行于草偃之餘故能君師宇宙而兼
隆於帝舜之治孔子之教也嗚呼盛矣哉麻城儒學在縣治東
南隅洪武初所創明倫堂規模狹隘諸生無所不容成化癸巳
秋姑蘇胡侯來知縣事顧茲卑陋乃嘆曰工必居其肆而學可
非其所耶乃身親伐木于山範甃于治撤故堂爲棧堂重建正堂
三間高二丈有七深二丈有九絲繪丹堊畫飛政翼高爽弘麗
使諸生升降有容進退有度明目而達聰教學而道洽侯其知
所本乎本立於此而成於國化於天下也易矣侯名琮字文德
由丙戌進士擢令江陵綽著賢聲憲臣累舉于上旌其能詔試
爲監察御史尋以事改知麻城不暮月而能敦本如是是役也
始於甲午之春成於乙未之秋而乞予文以記

重脩文廟記

節文

韓陽 會稽人
僉事

麻城爲黃之鉅邑儒學在邑治東長河繞其南古城抵其北卽
宋之故址也前代脩及遭兵燹柰舊誌失傳無從取證今之
廟學乃洪武庚戌知縣事趙乾所建也自是以來餘七十年矣
正統十一年西蜀陳祖舜來典縣教適類上楊順知是縣事蘭
溪翁選爲丞於縣廟謁之日覩其祠殿傾頽門廡荒落慨然有
脩舉之念乃與典史魯費周政訓導官興王懋輩同心經畫以
圖新之俱各捐已資率先其事邑之尚義士君子咸樂助焉先
葺祠殿次及兩廡禱星中門以至階陛罔不載葺於是廟益邃
以清學益隆以嚴弦歌之聲琅琅經始于正統丙寅之夏落成
于明年丁卯之春祖舜請記於愚遂書以記

儒學科舉題名記

李正芳 邑人布
政使

成化十三年歲在丁酉冬十月朔劉公應乾以名進士來令吾
邑公先令浙之餘姚六事允脩而賢聲大著今令吾邑猶前日
也一旦視學宮閱科舉題名碑而名已滿矣因與縣尉吳公暨
邑博劉公聚首而籌度之曰去歲鄉榜七人今戊戌春榜三人
咸無題名處况科目盛事將來又不可數記可不再勒諸堅珉
以繼之二公遂起而揖曰此正予輩中心之所欲言及者於是
命工龍石走幣徵予文以爲記予竊惟自古人才之生固由乎
山川之秀而其名賴托以傳者則貴遇乎豪傑之士也故崧嶽
生申甫而功名蓋世閩蜀遇常衮文翁而科名大顯盖有不偶
然者吾邑在汴河之南漢江之地前有龜峯之俊拔後有鳳嶺
之巍竊人才之生固有自矣脫無豪傑之士作令以振動之則
不朽之名何所賴也矧吾邑自國初以來出自科目殆百餘

人有臺內臺者有伯外藩者有憲副者有僉憲者與夫職黃門者居部署權侍御與光祿守天下之郡令天下之邑司天下之教者後先相望然今之山川即昔之山川也昔鍾有其人今豈無其人歟碌碌焉不題其名則後將何所述劉侯下車之初作興士氣獨先乎此可謂達政而知務矣後之學者規是碑思師前人之學仕者謂斯文思師前令之心謂非侯之惠道可乎然則侯用心之仁其深且遠哉史載循吏以六事克舉此蓋六事之首也不可無記因其請潛書之刻諸石

人物記

柯潛 莆田人 字士

予友陳君鉞為麻城教諭之三年訓導張君德瑄朱君謹亦相繼而至考邑中士出而著勲名處而高行義者得十有八人將龍石刻之實諸明倫堂之南以候來者而嗣書焉迺以書及麻

城圖志付其學徒毛本學來徵爲余記昔洛人程珣尉黃陂久
而與民相安遂家焉而其子明道伊川二先生寔生於其邑王
翰杯韓忠獻蘇文忠皆常居於黃州而麻城爲黃州之屬邑於
黃陂爲隣封程王韓蘇諸賢之道德文章流風餘韻之所被及
宜感而興者蔚乎盛也然考諸圖誌所載之士自洪武癸酉以
後爲始盛前此則寥寥未聞也蓋先賢之風化固足以感人然
非上之人有以生養休息之則亦未能以遽興也仰惟我
朝列聖相承以深仁厚德興治於上而田野之民皆家給人足
熙然安治於下迺於飽煖之餘爭相磨濯樂超於仁義之歸有
不能自己者書所謂既富方穀其信然哉此麻城之士所以盛
於今也陳君蒞教於此邑既喜其今之盛而又慮其後之或替
焉日與士子講習詩書禮樂之文窮究道德性命之旨要其所

以爲教有卓然出於科舉文字之外者而其同寅又能協相之
以各舉所職於是縣人學子蓋亦感而與期所以脩於家者用
於世以報 國家休養之恩而嗣書於石者將蒸蒸乎其未艾
也故爲之記

萬松亭記

節文

許彬

山東人
待郎

山東憲副周孔明麻城人也嘗按部過予曰麻城西曰七里岡
坦夷軒豁宋令張浚相其地中植松其岡約萬株不數年蔚
然秀茂因構亭其間扁曰萬松以爲觀風問俗之所時蘇子瞻
謫黃州憇止亭上因賦詩有十年栽種百年規之句亭與詩俱
載方輿勝覽今亭廢址存萬松所生依舊邑之後人過此莫不
舉手頷曰前令之遺澤也吾友董應軫字宗南世居亭之側天
順八年宗南以廣西按察司僉憲致政來歸慨念前賢所遺勝

跡恐久而廢沒乃重建新亭於故址凡邑之龜峯鳳嶺森列後
前與夫清溪碧澗映帶左右誠一邑勝槩也斯亭立於張君蘇
公益光矣予凡歸省立隴每與舊友季子正芳彥實李鑑孔明周
庠公序陳敏克聰輩消邑庠士子過宗南而憇此亭則觴酒暢
懷咏歌遣興斯一言而記之予復之曰地因人而勝蘭亭不遇
右軍則清泉茂林蕪沒於空山矣諸君子文章政事齊驅古人
又得此亭之助則名垂於不朽矣余昔較文八閩宗南特為余
憲有一面之雅况孔明舊知之深而萬松亭又名勝之地者乎
昔蘇子由作七賢堂記東坡為書之以為與廬山結緣他日入
山庶幾不為生客乎今述孔明之言以為記亦猶是耳

南門浮橋記

節文

倪謙

錢塘人尚書

麻城湖廣黃州之屬邑也其縣在黃河之南漢江之北四通八

達之地城南有水一溪曰黑龍池春夏則泛漲秋冬則凝涸前
人嘗架木爲梁以通往來以其高且危也商賈樵牧驅馳車馬
與凡邑民之由於此者稍有不戒即遭墮溺人多病之知縣事
胡琮以監察御史誥誤改知麻城下車不期年德化大行顧其
木梁病民且非經久之計乃捐俸貲爲倡命僧人眞良等募財
召石於山以達之下列三券高一丈五尺長十有三丈廣二
丈四尺凡用石一萬餘丈石灰十萬餘斗鐵三千餘斤用米五
百餘石傭工白金二百餘兩經始於成化乙未之夏落成於丙
申之春密築深墜堅緻完好人不知費之所出工忘其力之爲
勞穹然若長虹之亘空而鉅鰲之卧波也方伯李君正芳邑人
也借邑之僚屬暨士大夫請予爲之記以志於石

新溪夜泛序

萬山

邑人
中

癸巳六月之望暑虹晝明灼焦燎枯方思不獲登崑崙泛南溟
覽清勝以消煩炎或謂學宮之前新爲夏潦衝擊成溪景象物
趣皆爛然一新賸足瞻眺予誠往焉適元肅朱君命僕駕小舟
載酒般偕同官陳君張君將夜泛新溪以叙遊樂予甚欲之三
先生亦喜予不約而同也是夕也烟霏雲斂水碧沙明萬籟俱
寂涼颼灑然遂放舟中流縱其所適把酒賦詩以招山間之明
月或散髮濯足以吟閭闔之清風擊楫而歌解衣而飲內和外
適樂而忘極若接安期羨門於蓬萊方丈之境而與人世隔異
也沿溪之上舉目異態左則環以層巒疊嶂狀如城郭垣峭岸
或飛浮奔舞若與遊者皆來右則儒宮梵宇隱隱於脩竹茂林
之間璀璨奪目彷彿不可正視水當合流相搏處澎湃恍類絃
聲棲鳥驚鳴林間悠揚似與人語相答和凡此皆非耳目之

所嘗接見者今忽見之如夢而覺不能不愴然也元
嗣復舉酒以告曰值茲長夜當痛飲嘯歌以開懷抱烏可效昔
人當歡而悲耶陳君遂爲首倡予二人者以觴酌循環而傳和
之文采相發玉間金輝酬酢盛行極歡而罷異日錄舟中所聯句
蒐其遺韻自爲擬古選一章風物之美游詠之樂陳君記之詳
矣衆謂予辱茲遊之末亦不可無言惟人生如絮相值聚散靡
常雖樽酒一日之歡猶不得獨見况復際此太平全盛之日得
相與陶情泉石朋徒雲物以騁乎翰墨之娛者耶古人謂嘉會
良不偶以也矧余邑僻在谿谷無佳山勝水以快登臨之適尚
矣今溪不假人力疏鑿而具夫高明遊息之道吾徒又倖首得
專其勝而樂之豈造物者閔是而欲遺之人乎苟天欲遺之不
得人焉不能彰也予不足齒彼三先生率以豪雋偉人蔚有時

望其風流詞翰又皆可傳而誦也異日高人韻士相率好事翺
翔於茲溪之上究其泛遊之所始誦其詩想其風采如見其人
論今猶昔將與蘭亭羨陂同一款體羨慕之無已也然則是溪
之所以流光氣於宇宙之間而既遠且久者寔有以籍於斯遊
也庸書此以俟之

義會記

董應軫邑人

事之有以扶教化厚風俗皆臣子分內所當爲者教化風俗莫
先於禮義廉耻帝王之世人人君子比屋可封以是道也降及
漢唐若黎民淳厚幾致刑措猶或庶幾彼斗米三錢外戶不閉
但小康耳世降日下若此四維不張故也周禮大司徒教民以
任不任者則有刑以糾之欲民之必任也任之之道申之以禮
義開之以廉耻其關於教化風俗非淺也麻城都憲鄒時敏子

樂進孫駿憲副周孔明子泗孫廷讓乃伯李彥碩子渙煥煥
澄侍御李孔明子廷秀地官主事萬壽夫兄玉弟璣子禎王親
張伯潤子經綸州博喻明達子宗儒大尹宋紹東弟儒愈憲趙
咨善子永壽余之子紹經定爲義會其納每以孟春望孟冬朔
鄉飲之次日咸具儒者巾服萃而爲會會必拉耆英三老與正
席衆各序齒而列肴脩不責其豐庖菜菓惟稱使可繼焉又必
齒相若者以次行酒酌則無弄洽浹而止不至於亂一會之間
互相勸勉入則讀書循理出則尊主庇民力田治生處則仰事
俯育與夫出入相友守望相助疾病相扶持凡是數者有乖其
一非義舉也脫脫乎禮義以爲城隍斬斬乎廉耻以爲城郭勤
懇告諭言必先王之法言雍容禮遜行必先王之法行聚會精
神於笑談而強梗不遜之氣以之而日消開心見誠於辭氣而

乖爭陵犯之非以之而祛除熙熙焉皞皞焉踵大古之遺直守
先代之餘矩和氣充周足以變澆俗矯末習其裨益教化豈正
風俗一舉而兼得矣又惧夫會之屢而或厭也禮之數而或息
也人心未純固而支離也請予文以識之欲其常在目而加省
悞使人皆誦讀而寓勸懲庶幾厭者心益定怠者志益篤支離
者情益合予非知言者然言及之而不言謂之隱因告之曰有
子曰信近於義言可復也恭近於禮遠耻辱也因不失其親亦
可宗也諸公子能遵先賢之訓而凡事知謹始慮終乎衆皆曰
唯又曰朱子曰予將爲善思貽父母令名必果將爲不善思貽
父母羞辱必不果諸公子能遵先儒之訓而此心知從善去不
善乎昔曰唯予拜手稽首而嘆曰洪惟天朝率由舊章舉行
鄉飲酒禮聖制揚觶之詞曰凡我長幼各相勸勉爲臣盡忠爲

丁盡孝長幼有及兄弟第恭內睦宗族外和鄉里母或廢墜以
忝所生嗚呼所以天下享百年之太平誠帝王之世人人君子
比屋可封之盛也諸公子禮以義起扶教化厚風俗同爲帝王
之民實嘉會也其視取一餉之樂於淫聲之間相去萬萬情有
所感於是乎記



黃陂縣

宋

二程祠記

朱熹

齊安在江淮間最為窮僻而國朝以來名卿大夫多辱居之如王翰林韓忠獻公蘇文忠公邦人至今樂稱而於蘇氏尤致詳焉至於河南兩程夫子則亦生於是邦而未有能道之者蓋王公之文章韓公之勲業皆已震耀於一時而其議論氣節卓犖奇偉尤足以驚世俗之耳目則又莫若蘇公之盛也若程夫子則其事業湮鬱既不足以表於當時又詞平淡又不足以誇於後世獨其道學之妙有不可誣者而又非知德者莫能知之此其遺跡所以不能無顯晦之殊亦其理勢之宜然也蓋天聖中洛人太中大夫程珦初仕於黃陂尉秩滿不能去而家焉實

以明道元年壬申生子曰頤字伯淳又明年癸酉生子曰頤字
正叔其後十有餘年當慶曆丙戌丁亥之間攝貳南安乃得掾
徵春陵周公惇頤而與之遊於是二子因受學焉而慨然始有
求道之志既乃得夫孔孟以來不傳之緒於遺經遂以其所學
爲諸儒倡則今所謂明道先生伊川先生是也先生之學以大
學論語中庸孟子爲標指而達於六經使人讀書窮理以誠其
意正其心而自家而國以達於天下其道坦而明其說簡而通
其行端而實蓋將以振百世之沉迷而納之聖賢之域其視一
時之詞章事業議論氣節所係孰爲輕重所施孰爲長短當有
能辨之者而世非徒不之好也甚者乃或目以爲道之邪氣而
必剪滅之於斯時也苟或遭其伐不削迹焉斯已幸矣尚何望
於後哉今太守李侯乃能原念本始追誦遺烈立二夫子之祠

於學宮以風勵而作興之非其自信之篤而不以世之趨舍動
其心其孰能與於此李侯名銑字誠之其為此邦勤事愛民固
多可記特於此舉元足以見其操行之不凡而非人之所能及
是以因其請記而具論之以告來者使有考焉

本朝

重修廟學記

節文

沈鍾

金陵人
副使

黃州黃陂邑故有學屢廢屢脩具見邑誌乃者文廟兩廡樞星
戟門與夫講堂齋舍歲久寢為風雨所雲幾不支學諭宣山揚
君樑至仰而嘆曰茲學殆廢也與爰括私藏得百兩願盡出以
助工費白于提學僉憲廬陵陳公鳳梧巡按侍御交城李公天
賦侍御允之委通判南城黃君壽首捐俸資為倡邑令程鄉徐
君璉繼之司訓會稽孟君韶成都徐君昇文繼之民富而好義

者從之如歸而尋括公帑之美餘以充道邑有絕軍田五頃有
奇構震萬之爭者八十年特繫而硬死者滋衆黃均曰養人者
何復至於害人緣白于侍御公定令付良民陳萬督耕歲取所
入以資厥費暨脩兩夫子祠併諸義舉悉于是乎取給且視舊
址逼隘殊甚既徙居民之鄰者償所值而展招之庸厥力役閭
閻若罔聞知一時市良材鳩群工竝手偕作首豎橧星門易以
石諸方就緒黃擢知涪州去而通判金陵楊君後來代之徐君
孟君以休致去而邑令光山陳君傑司訓上虞曹君軒來代之
諸君人異而心同緒亦尋就廟廡堂齋撲斲而鼎建已而飾以
黝堊固將享獻則俎豆增輝弦歌則詩書禮樂聲溢旬而儀路
濟矣俶事於正德丁卯秋七月越明年戊辰九月落成學諭圖
記顛末用爲嗣後者皆乃借諸生潘子民陳維新浮江漢而來

于林下以子曩謬茲提學懇以爲請予惟我 皇明建學儲

養人才學廢而脩固矣爲人材者視學之脩亦知所以自脩也
乎夫人材平居於學游焉息焉孰非誦法吾孔子者孔子在易
曰脩辭立其誠曰脩業欲及時在大學曰脩身在正心誠意格
物致知然此正今日儲養于學時事儲養于學果能立誠以脩
辭及時以脩業格致誠正以之脩身自身脩而家齊國治而天
下平小則爲天下國家用大則用天下國家隨所用之大小而
小大應之夫然後於建學儲養之意庶其無所媿負矣哉書以
爲將來告云

二程書院記 節文

陳鳳梧 授學
僉事

宋興百有餘年河洛之間眞儒出焉以續千載不傳之緒二程
夫子是已考之明道始生之年是爲壬申寔仁宗改年號曰明

道若相符契者次年癸酉伊川生焉天啓斯文之意蓋昭昭可見矣程氏世家伊洛自太中公少侍其父適寓居黃陂及滿卒太中公始冠苦族衆無產遂家焉旣而補黃陂尉秩滿不能調閒居安貧二程夫子實相繼而生其地則今之程鄉坊是也古今聖賢之生不必自其鄉者有矣宣聖曲阜人也而生於昌平之陔邑文公新安人也而生於延平之尤溪蓋皆以其先世宦寓而然與二程夫子寔同一揆宋淳熙間李誠之知黃州嘗祠二程於學宮文公先生實爲之記而黃陂之祠久未有能立者至我朝景泰間同知蔡受始卽其地而建祠焉天順癸未僉事沈靖復建雙鳳亭成化己丑知縣李恒改舊祠爲享堂鼎建新祠於前高廣倍之繚以周垣樹以松栢而規模稍稱壬寅左布政使鄭時因師生請乃定著春秋祀典復檄邑建戟門及左

石廊弘治辛酉推官羅翰重建大門及修補敝陋而制益備鳳
梧不肖以乙丑奉 明詔采典學事行部至邑祇謁祠下正德
戊辰得再謁焉顧惟是祠實二夫子倡道之所始而後人亦借
重以爲藏脩之地遂易其扁曰二程書院得前副使謝君朝宣
大書揭之與濂溪南嶽巖石鼓諸書院並稱而祠祀如故擇
士之有志者俾讀二夫子之遺書於其中籍得官田五頃五十
七畝三分歲收其入以充脩葺教養之費其左廊曰坐春右廊
曰立雪則今知縣陳傑所重構而教諭楊樑所取名者也楊樑
間率訓導曹軒及諸生來請曰自有祠以來漫無文字可考今
改爲書院而記尚可缺乎鳳梧則以二夫子道德之遠且大者
文公記之已詳不肖復何言惟書院脩改之顛末則不可以不
之紀也遂爲之書若夫望魯臺聰明池雙鳳亭及諸故跡則誌

已具載茲亦不復贅云

勸弟跋

彭鳳來 邑人 御史

夫人生於父母而為子後於兄長而為弟善事父母兄長而孝弟稱焉聖賢之建立人極化成天下垂教後世率皆於此拳拳焉蓋以人心之真不能忍處示人也奈何孝弟者少而不孝不弟者多無他但昧於理欲之幾焉耳唐進士王公作勸孝一篇本省鄭都憲公為方伯時吾友劉廷瑾適為西賓嘗出此文相規今奉 命巡撫遂刊印發屬以勸下民吾友因作勸弟歌以附之蓋以躬踐之實為達理之言開張敷暢說盡人情要之可與棠棣相參讀之者可以垂舊德新明於察幾以成其行也

御試古規銘

萬鈞 邑人

端溪古石金堅玉潔鳳味馬肝不敢並列發墨池之煙雲生翰

林之風月長泮玉堂遠揚芳業



Vertical text on the left edge, likely a page number or chapter indicator, including characters like '卷之四' and '四'.



新水縣

本朝

重脩朝學記 節文

陳循 廬陵人 大學士

崇之新水縣學在縣治東之高阜前臨大溪元季廟學並廢於
 兵 國朝洪武甲寅知縣趙季光始復建於此歲久日就朽壞
 宣德癸丑縣丞黃含觀主簿夏時共患之始克新禮殿未幾復
 被震凌正統己未鄱陽胡奎來領縣事下車之初即謁廟學謀
 於縣丞李蔚主簿王輔典史金鼎教諭申曆鐸訓導簡紹紳左
 惟賢相與市材鳩工撤其舊而大之為禮殿凡三楹東西兩廡
 戟門外楹各視殿之數而有差等備享有尉藏器有庫楹皆如
 之經始於是年之春落成於明年之秋既成胡奎兩以職事至
 京皆求記其興畢之歲月遂為之記

三賢祠堂記 節文

謝朝宣 關西人同知

三賢舊祠于鳳棲山下棟宇崩廢繼遷神光觀內道不同謀位
號固存今改建學宮之西正有寢堂傍有畫室士民依歸人因
嚮慕曰依曰散兩得之矣三賢為誰晉內史會稽王公羲之唐
處士竟陵陸公羽宋翰林眉山蘇公軾也王陸游寓斯地蘇則
宦謫斯郡斯人祠之三公之賢固難及然士必以聖賢為準
朝斯夕斯景仰三公可也謂學止於此不可也祠成諸生請記
是用題名碑左附名碑陰

倚雲亭記

謝朝宣

浣川之上有亭煥然扁曰倚雲即時雨亭之故基也是亭東與
迴瀾亭對俱在學前考之舊志蘇子有迴瀾疊嶂二亭無所謂
時雨意教者欲以自况借重蘇子云爾實則非也戊辰秋予

行市邑目其類敝撤而新之厥地背背雲根面當雲路因借高
蟾之詩借題于亭從其類也暇日進諸生而語之曰子知所以
更名之義乎爲學所以致用也若輩化被時雨之滋咸將有登
雲之望也蓋雲爲造化功用非氣不凝非風不運昔人以風雲
爲車馬謂風雲際會以比君臣其弗信矣乎蟾之詩曰日邊紅
杏倚雲栽又以杏爲春日喻君也學至登雲則月桂已折杏園
可探駿駟乎得君近日駕風鞭霆霖雨天下何其快哉於戲龍
蟠泥中未有雲不能生彼升天翼士之登庸有待於雲尚矣其
未雲也必有倚柱之勤有倚衡之敬有倚馬之才夫然後造倚
雲之境旣登雲也必有中立不倚之操明禍福相倚之幾以至
夫焉有倚之地然後收倚雲之功吾儒之能事畢矣其或倚才
而傲倚勢而陵甚至倚水山而固人將謂之何哉昔斯亭之蓋

也諸生其知所以自擇而自勉矣矣曰然是日落成見異雲亭外托地游天久之不散他年有當韓琦之瑞者庸知不自茲亭始乎記以俟之

新建浣川驛記

盧濬天台人知府

浣川驛改造於縣治側以府推羅君鵬舉董若事皆當道者議也落成鵬舉請予記予以不文辭踰年省耕寓驛諦視閭閻輿輿動目健雖不文亦將應之矣竊惟營建之要有三曰地曰材曰人地勝矣非得其人有庶操有深計內之所融足以敷其外則近所樹或不能及乎遠地與材徒美也况度地相材有資於裁成輔相焉者豈特營建哉驛成中有堂前有門樓後有空左右有廂四圍有榮垣所以爲廳事爲寢息爲夜警爲僕御所者靡不具東爲小館亦有門有堂有閣閣之下有石床有石磴石案

所以爲樓寓理公務者亦因弗周靡丹雘節稅之施而攻緻宏
廓黠樛櫟而集梗梓棟棟梁而整椽桷其得材歟茲地先爲演
武所一轉爲星館綠楊鳳棲距其東赤壁伍洲連其西龍潭洄
瀾映其南石鼓邵藤踞其北挹暗嵐而瞰水光直有所謂延綠
野而混天碧者其得地歟且公帑不過白金三十兩餘鵬舉節
費禁奸雖竹頭木屑悉爲公助板築運甓寧身先之非有蕪操
深計弗能其得人歟今制館以皇華名蓋取詩周爰咨詢之義
賦以詢苦樂察淑慝爲觀風計意至良也後世以迎魏隆簡爲
喜怒甚或轉毀譽於雌黃者非古也浣川路交南北執犢投館
者旁午鑿茲鵬舉造驛之賢之勤其亦有追古而採焉否也雖
然地與材有遇不遇皆係于彼者若夫養性情持名節植綱常
于上無欺于下無虐于心無愧有所以宜於家邦福于黎庶者

則吾人所自致而吾輩當勉之矣旅夕孤燈引杯對酌以是應鵬舉曰善遂伐石書爲記且以脩葺裁輔莫後之人凡共成厥美者咸刻氏姓于碑陰楹架廣袤之數別圖具焉蓋經始於弘治十一年四月以是年七月訖工僅三越月云鵬舉名翰別號無逸南昌人也

巴河鎮王公堤記

節文

陳瓚

閩人
教諭

蘄水縣七十里鎮曰巴河爲江淮鄂岳光蔡之衝要待節遊宦覽勝觀光與夫商賈工藝往者輳連踵接殆無虛日其地北阻高山大江經其南湖水衝其東石潭逸其西蓋水鄉也方夏淫雨江漲潢潦縈紆罔施舟楫冬則雨雪水凍泥淖坎壈實難負乘人咸病焉久欲築堤未能也正德甲戌成都王侯來君是邑道出巴河目染民病嘆曰古之爲政固有以橋壞爲已過而償

民覆租請以身填金堤之決而自廬堤上者吾安所辭吾責哉
視象之餘首捐金二十為吏民倡真武廟道士胡覺照董其役
既而貳君傳君判簿即君幕賓王君及家居於是經行於是商賈
於是者咸分餘貨以相厥功今年四月堤成自江許抵鎮市凡
長三十丈廣五尋高一丈甃用條石夾以樹柳一方之人曰此
王公惠政也名王公堤休寧商人金顯寧主佐者目覩其盛捐
金為亭請予文以記侯名伯字希召號棠軒成都灌人登戊午
賢科

回風磯萬工堤記

節文

屈伸

鄱陽人
金事

胡奎景繁為黃之蘄水今凡有便於民者輒舉而興之有為
民患害者務去而脩之去秋予自費州之京道經于蘄會胡君
于回風之磯見磯水洄漩激湧巨浪峭石巖巖屹峙中流心甚

怖慄惟恐舟楫遭之傾危也又見磯上一港甚闊內通圻湖之
長港外接大江之洄流又懼過客罹於沒溺之禍焉於是胡君
喟然歎曰斯磯雖險乃在大江舟楫或可遠行而避之未若斯
港當乎要衝而爲人害者多也斯港始自近代漁人拽船來往
遂成小溝再被龍水衝決遂爲大港其水之以舟濟溺死者不
可勝紀君歸語同寅貳尹內江李蔚判簿古綿王輔掌史嘉禾
金鼎僉曰斯港之爲民患久矣乃謀以竹籠葺石塞港之上口
使湖水不流于江取土以填實其港俾江流不入于湖二水各
分其地得平然後命耆老謝君安菑伯恭徐得義董夫丁築堤
以便行人經始于乙丑十月之朔落成於次年三月之望計入
工以萬數遂名之曰萬工堤仍立廟磯上以祀江神用厭水怪
之爲害者予舟回復駐楫磯上胡君願公記之

浮橋記 簡文

程敏政 休寧人 詹事

天下事有可已而不已者有不可已而已者皆非也可已而不已則屬民不可已而已則隳事君之之蒞政也必酌其中以爲斷水有渡在縣之南門當驛路之衝每入冬架木爲橋春漲作則橋壞而濟以舟舟不勝載隨溺隨之秋水涸而灘磧露則橋不時成舟不卽達歲費白金十斤責以渡夫而民恒病涉焉爲歲滋久莫或究心微之婺源潘君珏知歙水縣事嘗抵謁宣聖廟進其師生與語而前教諭周同倫訓導楊復初周寬暨諸生王泰等首以是爲言蓋渡當儒學前故悉其事而君亦首肯心計曰是必爲浮橋使守者歛放有時庶可久也會巡撫邵憲馬公來有令諏縣興革事君以狀上報可卽令耆民游秦度河面之廣狹以丈計者六十計歲造之常費不足以給募之義民

捐金以佐官而君又恐吏之有所朘削也親往視役命僧會悟
智市材鐵集工力肇功於弘治戊申七月訖事於十月每艘縱
若干尺衡若干尺砌以巨板繫以鐵維長與河等歲益夫四人
水平則放以渡漲起則斂以俟東西往來者履坦途行者歌呼
居者慶嘆以爲求利實殆自今非賢令尹之究心民事節其勞
而糾其費莫與致此於是寬與令教諭傅植訓導徐文賢暨諸
生汪倫等具其事以請記於戲此非事之出於不可已者哉惟
事之出於不可已者則所爲者皆義而非利言於上聽之而不
撓倡其下應之而不諱謀之同行之果而成之亟利之大有如
此者彼無所酌於事之中制則或坐而任其事之墮或起而爲
其民之厲又何擇乎義利之說而違恤夫君子之譏哉君字汝
玉徽之發源人也

新建聚民倉記

李承芳 嘉魚人
詳事

孟子曰五畝之宅樹之以桑五十者可以衣帛矣鷄豚狗彘之畜無失其時七十者可以食肉矣百畝之田勿奪其時數口之家可以無饑矣管仲曰守國者守穀而已某縣之壤廣若干某縣之壤狹若干則必積委弊重之相因時之化舉無不為

國家後世之為治者心於為人用其法而良焉心於為己倚其法而效焉民之死生國之興廢實係之水旱不間豐凶并誅用其力不遺其時盡其求不遺其法吾楚茲數年以來民之苦困可勝道哉以此觀之九州可知也雖然九州亦大矣為國家培植根本而清明王者之所天者果無其人哉仲伯者之佐也收其利權於己離民喪邦而所以啓之者誰歟衣帛食肉不飢不寒而使之者誰歟軻王者之佐也行其言而利其人吾不得

而見之矣新安潘君珏以甲辰進士宰蘄水至今乙卯九年于茲矣予嘗道蘄蘄父老羅滿金等相率而告予曰而令公帑之間毫積寸升貴則吾與賤則吾收義以入之仁以散之信以守之智以藏之倉以日開廩以日實乃者又於治所之北郭間再開而再實爲屋者二十有六間扁曰聚民內外完密不翅大賈富家之有成令之守法勤民上下孰知是吾民相率伐石請能言君子而文之敢以屬公予曰王者之佐吾不得而見之矣守中古之法者得見焉吾能爲天下忘言乎乃記之

泉辯

謝朝宣

有水出蘄邑鳳棲山下茶經爲天下第三家信平曰此張又新煎茶水記非茶經也按記載李季卿謂蘄州蘭溪石下水第三云得之陸羽口授又劉伯芻以蘇州虎丘寺水爲第三不取蘭

漢石水歐陽永叔辨其皆與茶經不合本經論水惡停浸而喜
泉源故曰山水上江水次并水下山水取乳泉石池漫流者江
水取去人遠者并取汲多者其味出於此未嘗品第天下之水
味也噫蘭溪石水尚未可信况鳳山之泉乎一統誌郡皆云泉
有鳳棲山下蓋因彥脩有石髓流香山鳳山之句云爾王禹偁
之詩未嘗指言何處惟李文秉詩云爲愛蘭溪始發源與記正
合考之舊誌蘄水縣初名浞水後改蘭溪屬蘄州又考蘭溪石
水爲第三不言鳳山之泉水爲第三天下第三泉在蘭溪而不
在鳳山明矣嘗取二水及清泉水浞川水江水洗筆池水効又
新較之江水輕洗筆池水又輕四水雖相若惟蘭溪者厥色如
醴味頗淳甘又與之清不類曩嘗較惠山虎丘及鎮江之水亦
然決以蘭溪石水爲真况此水前以名邑猶號溪潭在今蘭溪

驛東數里南嶽廟後潭有乳泉津津漫出宜爲羽取張又新云
云非歐陽子所知乃敢謬著其說如此并詩二絕以寓鄙意宋
人謂千里寄水恐涉好奇之弊予今辨泉非好奇也欲復羽泉
之舊而已然則鳳泉亦無取乎曰次也清泉抑又次焉鳳泉流
清泉正惡停浸而喜泉源羽之說後之君子味泉如羽必將有
取於斯焉



羅田縣



新遷儒學記

第文

沈鍾金陵副使

弘治丙辰九月既望有儒生羅田余大德胡大本同踵予門曰
 學類古渝羅侯動新遷告成敢以記請予退老林下類稀聞
 公業事懇辭二生竟致書于予予覽之始知其學蓋如書有發
 有與云者庸即其發興之故而言曰羅田學舊在邑東官渡河
 之許比歲淫潦衝突棟瓦隨以飄沒弘治戊申羅侯下車初慨
 然咨嗟迺謀諸教諭張瓊訓導朱鑑袁英應隆生胡大倫董冀
 一新之遂申請諸當道愈可之爰擇邑之歸厚巷境勝而龜吉
 輒市材鳩工凡百費悉勸助于多貲而好義者之室一無所侵
 於民檄義民胡月臨周文鄒榮富聃永瓚胡大剛程仲信董學

通志卷之四
 貴州
 五十五

洙胡大韶董之經始於辛亥二月訖工於十一月維時大成殿
東西廡戟門櫺星門與夫明倫堂兩齋膳堂號舍是類罔不蔚
然旣緒聖賢肖像一皆歸然其中此其學之廢興之故有若是
者傳曰不有所廢焉有所興然而難易判焉是學也廢於河水
俄頃耳何其易興於羅侯彌歷歲月而後已何其難且學之難
易廢興固然矣至於諸生之爲學也亦然惡乎視以爲難而不
易而不之學矣夫不以爲難而不易而之學焉選自科目斯有
光於其學無愧負於羅侯遷學之盛心矣巴溪名勲蜀永川人
丁未進士

蘄州

宋

學官題名記

朱熹

乾道八年秋子友建安李君宗思爲蘄州學官始至入學釋菜
召諸生坐堂上而告之曰朝廷立學建官所以教養人才而待
其用德意甚美宗思不佞得備選焉深爲淺陋懼不能稱今將
有以致二三子者而相與朝夕乎古人爲己之學庶以無負
朝廷教養之意二三子其亦有志於斯乎諸生起而對曰諸生
不敏惟先生有以教之則幸甚於是宗思退即其居則距學且
十里宗思顧而嘆曰學官宜朝夕于學與諸生相切磋者其相
距之遠可若是耶翌日相學之東偏有廢地焉請於州頭得爲
屋以居而日往來于學以供厥事於是通守北海王侯領州符

喜宗思之意而悉其力以相之役不踰時遂以備告然後宗思
得以日至於學進諸生而教誨之蓋使之潛思乎論語孟子之
書以求義理之要又考之編年資治之史以議夫事變之得失
焉口力有程不躡不惰操策而問勸督以時凡使之知所以明
善修身之方齊家治國之本而於詞藝之習則緩焉而不急也
既又禮其上之賢而有德者而與其居凡學之教悉使聽焉由
是歛之爲士者始知所以爲士之事而用其力宗思亦喜其教
之行而將有成也礪石於堂故前爲是官者得自某人以下若
平名氏歲月刻之而書屬予使因記其所以然者予惟宗思之
教可能也而其所教則非世儒之所及王侯之垂意於學可及
也而不以宗思之說爲迂闊於事者則非俗吏之所及是皆宜
言以詔於後蓋非獨能繼宗思而居此者有當考法抑亦承流

千里而師其民者所宜知也於是悉書其本末如此俾刻實題

蘄州廟學重修記 節文

萬安 眉山人

天順五年辛巳蘄州知州趙侯重建廟學請予記之按蘄本漢
蘄春國後為郡為縣不一後周始改為州 國朝洪武初為府
尋復為州然蘄州之有學則自宋景定癸亥始蓋自漢以來孔
子有廟不出闕里唐置州縣始立廟通祀孔子然蘄之學雖起
於宋而其學之有廟則固始於唐矣 國朝混一天下詔自京
師及海隅郡縣咸建廟學而蘄州廟學寔知府左安善重建之
然規制卑隘且歲久頽弊戊寅侯來為州遂謀及僚屬於是相
與合謀市材鳩工始建大成殿東西兩廡戟門櫺星門雕塑聖
賢遺象次建明倫堂進德修業時習三齋及賓客之位會饌之

舍至於庖廩咸以次備完輪奐甚美規模適加始成祀聖育賢之所而湖南北廟學莫有踰此者矣是役也以庚辰夏四月庀工僅十越月而成迺二月丁丑侯率僚屬及諸生行釋菜禮退即學丁寧諸生砥礪行業期其有成侯名應隆字文盛於時佐其事者同知淮安王倫判官覃懷武信也若耆老助督匠氏効力者其名氏悉列碑陰云

修廣廟學記

節文

我朝海梁人
王璠 御史

蘄之儒學在州治之東背麒麟山面江漢而趾通衢肇于宋毀于元復于我 國朝與孔子廟規制咸廢餘百二十年于茲守左安善錢敏王坦趙應隆蒞其創以修考父之入于敝廟爲甚且左逼於官民家參以非其鬼之祠不可以尺寸展諸弟子升堂齋服師訓退而會講或憇息無斁與在宋時守李誠之

及明通判秦距後先捍金元兵力不支死之王玠有事斷遣
撫司會孔彥舟謀逆以罵遇害四侯之忠節學政有關欲祀
之以表以式而未能者弘治五年巡撫右副都御史樂安謝公
綬進分巡按察僉事蕭山富君珰及知州山陽楊淮而言曰修
廢有明詔矧得之爲有財綬當主之君輩其相以成珰曰敢
如命時祠已據法撤去聯屬數家適議他徙悉來售酬其直以
丈計橫盈十而加二縱倍橫之數而加三併之以秩隆綬繚之
以堵高堅中構講堂五間南向扁曰麗澤前翼栖息房四十八
間東西相向門三間西向扁曰道義房絕處仍限以堵外構祠
三間另門道出入用安四侯之神扁曰四節其廟學之殿堂之
齋廡之門庖倉庫凡棟梁榱桷板檻之腐折者蓋瓦級甃灰堊
之破損者以至繪素之解駁不鮮者一切易以堅良仍舊增新

規制益備弘矣其費白金五百五十餘兩米二百餘石酌官
民之當取者而非正供非橫斂力亦擇其班役于官者用之始
事於秋九月至冬十二月訖工淮率同知鄭昕學正袁珽訓導
楊浩衛永昌輩請爲記冊共惟我朝 聖聖相承稽古右文置
學立師偏郡縣簡俊秀克弟子員聚而教之所以瞻仰聖賢申
申夫夫閭閻侃侃巖巖之氣象所講讀易書詩禮春秋之文字
所明所率仁義禮智之性君臣父子夫婦長幼朋友之倫驗諸
心身而有得形諸詞說而不悖推諸國家天下而可行從而厚
廩餼以養之公貢舉以登之班爵祿以用之是則居之無異處
教之無異術取之無異途矣廟學之所以修廣要非羨觀聽而
已幸相與深鑒而勉進之師所以教弟子知所以學處爲正士
以善其俗出爲名臣以善其治雖遇變臨危成仁取義亦非所

難夫然斯有以光衍我 國朝人文之化而於教養之恩作新
之圖均不負矣叙成績揚休風以為來勸固不可少也庸書以
復

重建烈士王公廟記

節文

金銑

淮安人
知州

天地剛直之氣稟之以生人與物皆然也而人得其全能全剛
直之氣奮百世而特立者又豪傑其人也其氣處乎百世之常
泯無形跡之可見聞及其遭大變臨大節而發焉則死生榮辱
之境以定於胸中不死而辱不生而榮則何外物足以動其心
而奪其志哉是故於夏而發也為龍逢於殷而發也為比干於
楚而發也為屈原於唐而發也為張巡為許遠為顏魯公於宋
而發也為文天祥為王岳為王彥明之數君子也安於臣節以
死為亨所謂能全其剛直之氣奮百世而特立者也自逢及益

史書之廟祀之名公鉅儒爲之詩歌爲之傳記以稱美之刻於
石登于方策後世得以景仰而羨慕者良有以也惟彥明死節
以來史失其傳廟燬於火未聞名公鉅儒爲之詩歌傳記以刻
於石登於方策剛直之氣不得白於天下其置諸人心塞乎天
地之間固自若也是蓋不以暫而存久而沒也銑承命來蘄索
蘄圖經考古名宦將師法之者得公焉公未詳何許人守蘄有
德惠在民當元兵壓境忠義不屈拒戰日久糧盡民不忍叛未
幾城陷公挈其妻子登大艦於州西隆磯慷慨鑿艦而沒之蘄
民哀而思之尊爲烈士立廟於磯榜曰烈士王公之廟歲時祀
之遂詢諸父老僉曰故廟卑隘弗稱逼于民居數罹於火不可
以十稔遺址鞠爲草莽亦已久矣予聞而感其心謀於僚屬同
知淮陽王倫滇南趙和判官西蜀王錦吏目陝右王霖相與相

俾市其民居以益其地東撤周行西抵大江袤計七十餘丈廣
二十餘丈新其廟貌路有門園以墻經始於景泰癸酉秋越明
年冬十一月甲子落成予與僚案率父老拜瞻廟下咸喜公剛
直之氣肅然如生因請書其事以刻于石遂書之并系以詩俾
勸之人歌以祀公其辭曰彼都兮烈士全天地兮正氣視殺身
兮如歸凜秋霜兮忠義隆磯兮嶄巖壽宮兮新制在祀典兮有
徵矧綱常兮攸繫洋洋兮格思鑿駢兮孔熾載雲旗兮委蛇繪
靈衣兮綰麗奠桂酒兮椒漿神樂康兮少越釀歛福兮錫民永
廟祀兮百世

費神行祠記

余寅 吳松人 知縣

神費姓名光輝父元昇母劉氏居蘄州之大明山元昇嘗出耕
劉氏餉之道遇雷電晦冥風雨驟至劉眩而霽龍滌決體既而

有娠後有僧詣門出異藥語劉氏曰服之三年當產維唐之貞
觀四年六月二日平旦而神生焉少不飲母乳天性穎悟四歲
就學通諸書七歲靈異彰變間與諸兒澡於澗澗水湧溢逆流
諸子告於師師知靈異伺夜睡熟窺之見黃龍盤伏于床蓋異
之未幾雲霧四合雷霆激空化為黃龍而去時唐貞觀十年七
月十七日斫人仰瞻思慕不已乃建廟宇于山歲時致祭或言
新羅國僧祖佚積行累功道成遊南溟處淵宮而五龍造謁大
江淮水之間金沙之大明鍾西竺鷲峯之秀蓋往居之神即祖
佚之化身也神生時五龍自山頂湧穴而出朝之三穴清澈不
竭不溢號靈泉久而湮其二泉今止存中穴之泉凡遇旱魃遠
近郡邑皆奉錢致幣設樂迎泉以禱之茸雨輒應先是累朝賜
贈廟號至宋時封昭化侯維 大明己酉廟災毀郡守徐麟世

奉神維謹國初僉營田分道徵饒寇兵圍城麟禱于
神之感應類如此麟拜 特恩就祿養親蘄州入榮之謂神福
之也遂捐已帑構殿宇維歲六月二日遵典致祭吳松余寅恭
君邑長虔率僚友齋宿靈宮恪恭乃職祀事既竣爰詢神跡歷
縞所聞用錢於石以揚神休復作迎享送神曲繫之俾蘄之人
祭而歌之庶乎人感而神格也其辭曰電燦舉兮雷闐闐雲鬱
勃兮從群仙夜光皎兮如月儵兮澄于几筵羅般蔬兮酌酒醴
兮蠶神兮蘄民喜神醉飽兮遨嬉澗潺潺兮樹參差山叢深兮
梓往民愁思兮恍惚下不在淵兮中不在田皇刻兮高駝冲天
鳴號噓兮攀援神知民思兮復來還阪無乾旱兮隰無浸澆施
靈澤兮年穀稔魁接商兮廣淵牲潔饒兮何千萬年

四見亭記節文

劉廷闈 安福人

蘄陽郡治負麒麟山自山之麓鑿石十級委折以升至於山之
巔有亭曰四見今郡守雲中李榮祖所重建也亭之高仰瞰城
郭壓居鱗次若在淵谷岷山嵯峨之流洞庭雲夢之匯合集奔
放滔滔洶洶千數百里而來索帶洲渚橫流於亭之前而後紆
徐以東去吳蜀荆陽之山高者插霄漢遠者隱烟霧曷以者龍驤
伏者虎踞莫不出奇獻秀畢赴乎軒楹之側至於林廬之隱見
溝塍之分畫原隰之袤衍嚮里之衝從凭几而觀迎在目睫於
是一郡之勝槩畢萃於斯亭矣按圖志郡有舊址在廣教山去
州西北五十里蘄水界其陰水北白雲山有四見亭則故范忠
宣公純仁所名也宋治平中忠宣以御史言事出守是邦暇日
升白雲高處徬徨顧瞻而樂之山僧爲之作亭忠宣喜而名之

而屬郡士林敏功爲之記其後郡治荐罹兵燹轉徙不常其地
所而至於今治几城之解字里閭臺榭之觀釋老氏之居悉遷
於治而不易其故名故麒麟山之亭非復白雲之比而四見有
扁猶仍其舊焉然其爲室里陋弗稱歲久且圯李侯爲郡牧恤
民隱祛吏黨頽頽年之間弊除廢舉闔郡大治迺力撤故亭而新
之于時僕自江右校藝還滄李侯邀余舟宿江之澚設觴豆於
亭上曰亭成了適至宜文以記予辭不獲則爲叙其始末
之故以示來者

崇賢祠記

邵寶無錫人
侍郎

蘄州儒學有祠祠其故學正莆田敬齋林先生先生去蘄若干
年矣其生也固祠其歿也春秋饗焉至于今不衰仕蘄之君子
謂是舉也義不可弗繼乃葺其祠之敝益加崇奉而使來請記

其事實也。蓋又聞之，至是作而嘆曰：於盛矣！此古之遺教也。夫古之教者，蓋敷之以學，率之以行，格之以規，決之以恩。裁之以義，而分不與焉。非惡夫分也，徒分不足以爲教。教之本立矣，則分也。乃吾教之所以分也，分益以尊功，益以深而思，益以切。故有林先生之教，則有勸諸生之思，觀其所思而教于，是乎可知矣。非古之遺而，今乃有是哉！今學校之師，例出詮注，其餘弟子蓋分相與也。始先生至，勸諸生事之，亦以其分而已矣。久而資其學焉，曰：先生吾師也。久而服其行焉，曰：先生吾師也。久而安其規焉，懷其恩焉，畏其義焉，曰：先生吾師也。是雖不吾益，固將輕千里而從之。况以朝命而來哉！於是凡勸諸生無長幼，後先翕然以歸。論者蘇湖之風，復見于勸。而先生擢揚州教授去矣。此祠之所以作也。嘗不及見先生，見其孫中丞公出，故太常

少卿贈禮部侍郎林公文所爲先生墓碑謂先生始爲諸生學
成未出提學高公強而後舉及會試得乙榜例授學職或勸之
辭不聽卒以教顯其校文格以義理無少遷就時稱得人至以
義養歸自楊尚未老也郡守岳蒙泉安身訪之則答魏之財辭
予之田辭蓋其少也敏而重其壯也順而莊其老也靜而廉迹
其學行有古之遺焉以是爲勸之師其歸也非抗其恩也非徇
其義也非激吾所謂古之遺教固在是矣勸之諸生曰先生吾
師先生吾師豈過也哉夫鄉先生歿則祭于社古之道也今勸
之爲祠實取諸此而義起焉者視尋常名宦之舉相去遠矣且
學校達天下而祠其師如勸者乃不多見勸之師在先生後先
亡慮百人而惟先生是祠蓋功深思遠自有不能已者而豈徒
分所能致哉記禮者謂學莫難於嚴師而極其效至于民之敬

學其于師去而祠沒而饗其為嚴至矣推是心焉為子必嚴其
父為臣必嚴其君固將興起于斯豈直知學之敬而已哉然則
是舉也其亦古之遺先生諱宗字存敬敬齋其自號系出唐九
牧若干傳而至先生中丞公文章德行望在海內蓋古遺才君
子推其所自亦必歸諸先生云

崇賢祠祭文

林俊 莆田人
都御也

於赫吾祖嗣徽前聞金精玉潔石介蘭薰綸句摛詞蛟騰海立
論鄉進秀青紫芥拾命與時佐僅弟子師枏榼宋楠成室異施
爍爍文光星流電激紀德祀賢靈祠孔飾俊襲森庇庶訪克員
天心敢負白日青天真風聿懷浮榮伊謝過奠一觴以告地下
嗚呼謂孫猶逸林莽犯風濤而底 丁丑 自天申命 黃紙臨
門不敢有抗也歷彭蠡泝浥城弔望柴桑白蓮之遺址不得不

內愧也。蘄不數舍我祖之生祠在焉。一尊祠下斯生亦僅斯日。
無已。繕勤不可待也。熱淚汪汪。西顧欲絕。臨風齋情。伏與祖訣。
吾家家範。惟孝惟忠。亦有出處。道在中庸。孫其敢越乎。孫其敢
越乎。嗚呼尚享。



黃梅縣

宣聖遺像碑記

陳可大 教諭

至治二年春沔陽之景陵簿勸良叔以公務挹江陵遊公妙觀
見唐吳道子圖心碑勁而古貌恭而安摩挲審視而知為宣聖
燕君之像詰其由黃冠曰邇有當道執政者羅封遇水崇馬斯
伏不進鞭策數四愈退却今皂隸視之報梁石有像遂起而舉
於此斬歸所治以告寮屬慕佐陶景山力勸移文取於江陵
崇文閣任回打碑像以歸泰定丙寅秋余職梅庠陶君能言其
事之本末甚悉一日於李和甫家塾得其像望之令尹景山李
公躍然以喜而感亦隨之曰仲尼日月也無得而踰焉吳生神
筆也千載陸沉復見今日仰先聖之靈昭赫赫遺像所在自

有神物爲之守護而搗呵視隨文鎮石之語亦固甚矣於是相
已俸命工勒像于碑石人人瞻仰乎申申天天之容如獲親炙
之父者焉噫盛哉周宣岐陽之石鼓復見於鳳翔之宣廟餘慶
之力也今令尹景山勒石之心餘慶之力也可大謹叙其事而
爲之記

儒學田土祭器碑記

郭友直 天寧路總管

嘗謂教養所以興學禮器所以將誠教養偏廢則學不興禮器
不備則誠不盡皆守守臣效職之所以盡其責也故學有錢穀以
充其歲用者瞻師生供祀事而已俾之不以饑寒累其心而後
禮義之治足以行其教苟爲無養則惟救死而恐不贍矣抑治
禮義哉甚矣教養之不偏廢也然有其禮無其器禮粗不足以
於前豐潔無以陳於上則雖致敬以有禮而祀之誠有不盡者

矣教養兼舉禮器兼備賢守之自責固如是之用心也晉宣
君誠齋為黃梅尹日以學校為心慨宮殿廊廡頽毀不稱治政
之二年悉徹其弊而新之始鑄銅為器以供祀事又慮職教者
傳替不一田土或湮無以為養舊有圖形砧基簿籍歲久糜弊
或黃緣為文姦後難以徵於是勘券明正列田土條段及祭器之
目鏤諸石蓋欲盡其責於學而教養祀事之求傳也故述其端
以記歲月且以示勸於後云

新修儒學記

黎淳

華谷人
尚書

謹按成化六年夏五月朔都察院右僉都御史繁昌吳琛奉
巡撫湖廣下車之初奉揚德意興隆補廢自學暨九公署比於
葺完圖新政化維時守令有哲有昏有最有怠或連數州

因就緒罰亦隨行惟新途戴侯中繇丙戌名進士令黃梅黃
厥官也事上使下絜矩有方既滿植抑敷法中度踰年滑墮恬
柔隱絀法舒政既大通乃制貨財就工役勸民助官以巳丑十
二月甲戌首建明倫堂東西兩齋各五楹堂崇二丈深三丈一
尺廣五丈五尺募義官余亮富民嚴文及其弟武相其成齋崇
深亞等用尹銘錢渭司其事前建大成殿東西兩廡亦各五楹
序坐先賢木主陳列器几則託汪才徐錄周治官之殿之制始
於堂廡之儀減於殿之前建戟門櫺星門左爲備門則委沈景
金輝余文陶求信監之視舊規愈美愈高矣九閱月而畢事
道得所釋真禮成壯且通明仰瞻敬憚次以餘力恢宏藩飾
臺整齋縣治聽事暨諸壇壝經理置郵之宇徵水之司倉庫
屋百度畢具未幾都憲臨焉又其郊無惰農進其穀

其公堂無器訟怨咨臨其學宮師勤教弟子勤學儀文制度爲乎足觀父老仰迓干旌而稽首曰下邑之廢於學也久矣惟我侯克共厥職急先務因民良心而感動之費之欲以成其材勞之欲以溥其利以故是有大費與大勞而人莫或以爲利也吾儕今獲知聖道當共行王化當共遵三綱五常當共由之而不可一日廢率在斯學敢具以聞都憲公曰然誠有光於進士甲科者雖微爾言吾因將表揚之以爲群吏勸遂錄其政蹟薦于朝明年夏繡斧再臨而侯之召命來矣都憲又曰君子樂善無窮蓋銘茲德以告太史氏而刊之碑于是教諭鍾定安訓導元仲余浩來請予白美哉黃梅山川之靈於地也往年大江雪漲吾泛舟上下遠而望之見德童龍平馮茂破額烏牙諸山卷舒雲霞送迎日月而爭奇競秀于萬里雲霄之表晴焉障屏之麗

錦也晦焉棲閣之迷煙也吾意其山神靈畜洩必鍾于人其亂
時英豪奮起而戰爭豈無奇謀忠勇之士出而仗義立節及入
治朝賢雋奮庸又豈無道德之儒真良之輔生而弼化長民然
博攷載籍無聞焉惟一 二釋氏子乃椎稱斯士若專其神靈者
何歟夫豈山川之靈豐在外說而獨啻于吾儒正脉與抑亦有
之而傳記小說失于傳聞歟無寧人心之靈惑於他道無學校
之教以開之雖有山川之靈莫能顯也仰惟天德宗文幸都憲
公隆儒以振其綱幸督學憲副嚴公申飾教條以肅其紀又幸
有諸賢侯成此風化之基百年文運復一新矣吾當盡取山川
之靈還于爾學必有傑才科第騰芳南俾異端滂漓氣化我同
盟務敬勗焉銘曰 有嘉新學戴侯所葺孰振厥綱都臺有樓
厥初庫隘上陋旁穿燥燥不降神罔降賢乃新斯堂入安其業

冠帶縉紳左訓是式乃完斯廟神安其靈罇俎拚章梨稷在庭
金節煒煌都臺來蒞惟德之造師儒咸會都臺有心昭格神人
旌能懋德庸激衆勤咨爾名山越暨嘉水安奠此邦歲崇祀禮
爾靈在地峻極于天弗鍾於人精爽曷宣都臺有心山川鑒燭
宜配崧高甫申是毓奎璧騰輝江漢發祥群賢福國手采筆彰
後之諸侯毋替成蹟太史作辭永歌帝力

重建城隍廟記

節文

金寬

文江人
教諭

黃梅城隍廟在邑治西北明月橋右面對西池塘而遠向廬匡
之峯後接多雲之麓而近環大港之清流亦名勝地也舊廟堂
及兩廡門垣俱朽壞不堪者累年矣成化乙巳朱君璧以進士
奉命來知邑事首謁斯廟慨然歎曰廟若爾其何以安神靈而
奉祀事乎越三載政興教舉民和物阜乃下令毀淫祠野寺凡

若干處廢龍舟十餘艘使民皆崇正道而遠邪術一日遊于村見古廟五間軒延豁袤可爲堂遂命工移置于斯以其他祠寺所廢瓦木復營兩廡各五間正門三間堂之左別構齋所三間門之前增廣道路俾寬平可馳制度規模煥然維新視昔蓋百倍矣經始於丁未冬十月越明年戊申而廟成縣丞任君讓主簿文君英周君彥高實贊相之而董其事者則義官許君暹也朱君此舉豈獨有功於神哉其所以正人心而轉移風俗者正在於斯也蓋楚俗多尚鬼異而黃梅亦然民于祀典罔知崇尚而淫祠野寺乃至傾產以奉時或喧騰至萬餘人雖士夫以正倡之未之或變予未嘗不重爲時俗悼焉爲有司者非爲莫之禁顧亦駕御往謁以爲民先惟恐或後其爲民害可勝言哉多見其不智也朱君集一邑之淫祠野寺一掃而空之且以財營

治典祀神廟及諸公署人心可謂正矣風俗可謂變矣其轉移
鼓舞之機有不在乎朱君平監生石君信輩暨邑中長者思其
功之不可泯乃爲之購石屬余記其事云

白湖渡新橋記

節文

徐霖

金谿人

去黃梅一舍許有白湖其源濫觴于蘄陽廣濟諸山而匯于太
白白湖太白之枝派也湖之上舊有渡渡當南北要衝驛傳之往
來遠近之負販租稅之輸納匪此弗達春夏潦盈以小舟往往
運載不勝秋冬潦涸涉以徒步則又泥濘莫則喧競咨嗟行者
病焉成化乙巳秋樂平朱璧廷獻以進士宰茲邑號于衆曰維
茲白湖實邑大弊梁以鉅石庶克堅又工費重大弗資于有方
厥觀固成衆曰諾侯乃選于衆得冠帶義官陳哲張景付以董
理之責募四鄉耆民馮景莘隨其方之多寡爲工費之資又期

年而梁告成梁之基擬以松木四圍甃以石板其下穴三甕門
不朴不華既堅且久侯膺顯擢去梁成十年子仲子行慶亦繼
侯武而致仕知衛事石君信大行人徐君欽等相與謀曰茲梁
之建爲利匪小匪勒之石無以求侯之功石具而徵予以文乃
爲詩一通併刻之石俾往來之人歌之以不忘平侯之功詩曰
白湖秋冬潦弗污牽挽弗涉怨曷尋我侯濟民餒得餉堯樽甘芳
置通徧岷巖鑿開得砥砭琢磨晶光瑕類無陽侯鞭笞神鬼懼
天吳紫鳳紛前驅屹然三門衆流趨翩翩車馬走萬夫呻吟以
謳病以甦我侯曾次吞江湖三千鑿鑿忠信字瘡痍疾痛切體
膚如駉引駒鷄哺雜如川味水滌遊魚食侯盛德良勤渠頊珉
勒石辭匪謾千秋萬載人在途毋忘律

代姓未

廣濟縣

本朝

廣濟遷儒學

陳鳳梧 字素和 人提

廣濟為邑介江黃之間地僻以簡部使過客者往往不至其境而學又加僻焉距邑東南五里許隔溪而遠淋漓時溢道途為之弗通動踰旬月齋舍就頽幾為瓦礫絃歌絕響鄉書無名蓋數拾年弘治己未今山西憲副南昌陳公奎廣濟令謁廟觀而嘆曰學之弊久矣改遷之責其有待於予越明年辛酉百廢具興迺率耆舊師生達觀厥邑維治之東按察行臺與府館並列地勢爽愷四山環抱公曰學其在是乎衆志會同不卜而協復度布政分司之左可以徙行臺廣濟驛之右可以遷府館爰具顛案白於巡撫都御史韓公重巡按御史王公約暨藩臬諸公

咸是其議盧太守濬羅節推翰更從史之壬戌之春擇日鳩工
中建大成殿毀淫祠之材爲之前門左右廡後有堂有齋伐境
內古松柏爲之舊學之椽甍可用者擇之爲廡宇爲號舍粟米
則勸諸富室爭出所有以食梓人力役則取諸審戶口者與訟
之逮于官者凡甫數月而告成規模壯麗寔甲諸邑復於學之
左建鹿易堂以會饌蓋以鹿價易隙地而爲之也學之右建式
穀書館蓋以訓僚屬之子弟也乙丑初夏鳳梧奉命典學于
楚聞公之賢聲籍甚既而公以遷學之費與名宦鄉賢之祀無
所自出欲收舊學歲利充之遂移文以達予按其經久可圖著
爲定式至今賴之未幾公以御史徵去屬予官晉臬公以副憲
同僚案相與道舊政公作而言曰廣濟學成矣而又弗記寔爲
缺典子有典學一日之雅易辭焉是後相之者未溥宋濂典史

而督工者義官李勝春也因記而並書之

一門三桂圖序

羅倫 狀元

今之登科類曰攀桂者說自唐以名榮也君子之榮也以德故
取諸物以德其名爲楚渚之蘭彭澤之菊孤山之梅濂溪之蓮
以德也說月中者堯唐矣吾不得而知焉吾知者其德獨全其
幽似蘭其潔似蓮其孤介似梅其堅似松柏其不屈似竹其後
時獨立似菊其白似西方紅似南方黃似中央其香凡天下花
莫能似群卉中桂即群聖中孔子也桂其全德也歟世之君子
聯名桂籍者不以德焉吾桂之辱也夫桂盛於唐自出色者吾
得二家焉若嘉興陸氏昌黎韓氏以德也然吾猶未見其全也
宋之出色者多於唐若橫渠張氏河南程氏新安朱氏桂之全
德者也近世之桂盛矣或並生者或三五聯立者或叢蔓如林

者凡天下之桂吾不知其幾千百也其出色者無幾也其庶乎
吾持之全德吾未知其何如廣濟陳氏之門有三桂焉楚產也
其首出者傳先唐郎陳顯其繼生者則今戶部郎中陳愷廷彥
及弟時彥焉吾求南郡群桂中物色得之或謂予曰此似桂者
非真桂也吾見挺特不群似乎桂之遠衆獨立者以告者豈其
然也廷彥畚闢之壤汲伊洛之流以沃以培以大其本根以
暢其支葉使天下之人無賢無不肖望而見之皆曰真桂也則
庶乎矣若徒榮以名而不以德焉雖多亦突以爲榮哉君弟時
彥其亦以是語之

興脩權星門記

鄧文

程敏政

弘治乙卯三月朔得鄉里舒君書來云祥興教廣庠視學弗稱
請於縣宰杜侯曰是學經久寔敝多矣如泮池則坍塌僕爲之

深廣且製以石使不傾圯門左山逼塞辟削於西不足者補
前堵復因之整之使之方正寬闊聖賢像豐儉鄙陋不合古格
悉脩飾以肖之但擇星門此處艱於木植一有更作僅得四五
載朽腐之易如壽以石恐才力弗堪也侯曰有石則可明日適
東山得石復往議之侯欣然有作興之志僕亦嘗悉力於其中
遂經始於弘治庚戌孟冬之初畢工於辛亥七月甲辰也三間
如是過者設觀學自堂齋外無餘屋生徒多集諸廊廡或寄於
僧家明年作號房於學宮之西圍十有六間落成由是士子肄
業有所居食息有常處也敢請一言以紀之侯名焯四明慈溪
人舒君名祥徽之縣人

黃州府文類終

湖廣通志卷之四